

पञ्चदान विवरण



श्री दीपंकर बुद्धाय नमः

चित्रम्—

श्री बद्रीरत्न वज्राचार्य
मन्त्रीसिद्धि महाविहार
येँ, नेपाः

प्रकाशक व दानपति—

श्री सत्त्वतारा वज्र वज्राचार्य
रत्नकीर्ति महाविहार, मखंत्वा, येँ, नेपाः
नेपाल सम्बत् ११०० पञ्चदान

पञ्चदान विवरण

उत्तराभि —

श्री वद्वीरत्न वज्राचार्य
मन्त्रसिद्धि महाविहार
येँ, नेपा.

संशोधक—

श्री पुण्यरत्न वज्राचार्य
सकोछेँ, वसन्तपुर
येँ नेपा:

प्रकाक व दानपति—

श्री सत्वतारा वज्र वज्राचार्य
रत्नकीर्ति महाविहार
मखन्वाः, येँ नेपा:
नेपाल सम्बत ११०० गुंलागा पञ्चदान चन्हे

जिगु घायमागु छुं खँ

न्हापा न्हापा पञ्चदान याना विज्याःपि माःपि थ
 सित्रे थँजिपिसं थें जिनं पञ्चदान छगु घायमाल धयागु जिके
 विचाःवल । उकिं थ्व थःगु मती व कथंयागु, ज्यायगु विधि
 छु छु थें धका थःम्हं म्युगु खँ बाहेक मेगु छु छु थें धका
 माला न्यना जुयावले लिपा लिपा पञ्चदान यादपिन्त नं थःमं
 मनं तुना कथं ज्या यायत अःपुडमा धका पञ्चदानयागु
 विवरण दुगु सफू छगु प्रकाशितयाना दोहलेपे दःसा ज्या
 धयागु, विचाःवल ! अले थःगु विचाकथं तातुनागु ज्या पुवंकयत
 स्वयात धाःसा जी धका विचाः यानावले किजा श्री बट्ठीरत्न
 बज्राचार्ययात बाल धाःसा जी धका मनंभना घया स्वया
 जिगु इच्छायागु खँ न्यने मात्रं हे उग्रिमय “पञ्चदान विवरण”
 सफूचो च्वयेत माःगु सामग्रि ताल लाका विज्याना न्यान्ह
 खुन्दुया दुने सफू च्वय् सिधयका बिहै विज्यात अले जिं
 मनंतुनाकथं थ्व सफू दोहलेपे दत । थःगु अनेगु ज्यां
 लिमलागु अमूल्य ई जिगु लागि स्वचयाना विज्याना
 थ्व सफू च्वया बियाविज्याःगु निति बसपोल किजा बट्ठीरत्न
 बज्राचार्ययात नुग चुंनिसें सुभाय् दोहलेपे अथेहेतुं थम्हं
 म्युगु पञ्चदानयागु खँ कना ग्वहालि यानाव्यूम्ह पासा श्री
 जोगरत्न सिन्दुराकारयात, थ्व सफूयात सफूयागु रूप बीत
 ग्वहालि याःम्ह काय्बा पुण्यरत्न बज्राचार्ययात व थ्व पञ्चदान
 यागु ब्याय् स्वयाः, पञ्चदान काविज्याना व मेमेगु नं अनेक-
 ज्यायाना तनं मनं ग्वहालि याना बिया विज्याःपि / दृषि
 सकसितं सुभाय् अर्पण याये ।

पिकाक व दानपति
 श्री सत्वतारा वज्र बज्राचार्य
 रत्नकीर्ति महाविहार, मखंत्याः
 येँ, नेपाः

लसताया खँ

देश, काल व परिस्थितियागु फ.सं.क.या वा मौक्तिक
सुख, ऐश्वर्य व मोज मजा पाखे जक धेचुया आपाःधयाथं
मनूतयसं थ थः बौ बाज्यापिसं यानावयाच्चंगु ज्या त्वःता
मेमेगु ज्याखँ पाखे मनविया वयाच्चंगु थौकन्हैयागु इले नं
थःगु भाषा व धर्मयात पाचिना नेपालया संस्कृतियात मःभः
धायक छायपा च्वंगु छगू तिसा रूपी महाबान बौद्ध धर्म-
यात थिर यायगु ज्याय् ग्यहालि याना विज्याना च्वंम्ह छम्ह
युवक पण्डित श्री वद्वीरत्न बज्राचार्य खः । वसपोलं थःगु
कुलाचार व धर्म विषययागु थःम्हं स्यूगु छुं खँ सुनानं
न्यं वःसा वा सुनानं छुं सफूचो छगू च्वयाविया विज्याहु
धाःवल धाःसा आशां चाक्यगु वानि वसपोलयाके मदु ।
वहे वानिया फल स्वरूप रत्न कीर्ति महाविहार मखंत्वा निबासी
बुबा श्री सत्यतारा बज्राचार्य पंचदान छगू याये माल धंगु
य पंचदान याइबले न्ह्याम्हेयां याःसां छताजि कथं पायछि
ज्यीका यायमाल धंगु विचाःयाना विज्याना “पंचदानयागु
विवरण” दुगु सफूचा छगू च्वया विया विज्यायमाल धाः
विज्याबले थव सफू पायछि इले च्वय सिधयका बुबा सत्व-
तारा बज्रयात लः बहाना विज्यात जजमानपिनिगु पूजा
आजायागु ज्या क्वचायका वीगु, ग्राय यासय् विज्याना
पुराण बाख कना विज्याय्गु, थः शिष्य मचात बज्राचार्य

पिन्त बजाचार्यपिसं सयेका सीका तयेमाःगु विधिविधान व
 विना स्यनेगु व थःगु छंयागु व्यवहार हनेगु आदि ज्यायाना
 नं भतिचा मासु फीगु ईले नं अलमि मचाभ्य ज्य सकृचा
 च्वया विज्याय पुगुलि वसपोलयान मुभाय दाहलपे बहजू।
 वसपोलयाके थुपाय च्वकं थःगु भाया व थर्मया मतिना
 दुगु छु जुया उत्री थैगु खँ सीक्यन च्वयबने वसपोलयागु
 बारे थुजोगु खँ सीक्यफु । विक्रम सम्वत १६१० साल
 कार्तिक शुक्ल अष्टमी सुनु येँ देया तेवहा त्वाले च्वंगु कलःगाः
 छथेँ श्री देबरत्न बजाचार्यया सुपुत्र जुया श्री वेटी मायाकोखँ
 जन्म जुया विज्याःम्ह वसपोल श्री वट्टीरत्न बजाचार्यजुं मचा-
 निसेँहेँ वजाचार्य पण्डित जुपिनि पाखें व ब्राम्हण पण्डितजु
 पिनि पाखें संस्कृत शिक्षा व धार्मिक शिक्षा प्राप्तयाना
 विज्याज्यां फिदैँ दसांनिसेँ ला थःगु कुत्ताचार कथंयागु धार्मिक
 कर्म काण्डयागु ज्या न्ह्यचिला विज्यात । अनंलि फिखुदैँ
 दुवलेनिसेँला वसपोलं येदेथा थाय थासय वासं कता
 विज्यायगु थाना विज्यात वया नाप नापं थःपाजुपाखें मन्दः
 च्वयेगु कथं सयेका विज्यात । हानं थः थमंतुं अध्ययन
 याना विज्याना बजाचार्यपिसं सयेका सीका तयेमाःगु अनेगु
 विषययागु ज्ञान दयेका ज्याखँनं न्हापानिसेँ पंतयेमाःगु दिपा
 मदय्क दुनाहे च्वना विज्यागु दनि थौंक्न्हेला फन २५ म्ह
 ६० ह्य शिष्य मचाब बजाचार्य पिन्त थःम्हं स्यूगु विषय स्यनेगु याना

बिज्याना च्वंगु दु । वसपोलं तच्चतं मनघिया नेपालया
संस्कृतियात ब्बलंकयगु ज्या व परम्परागत ज्यां नेपालया
संस्कृतियात तानक म्वाका तयातयत्त ग्वहालि दै धयागु खँय्
तच्चतं आशा व बिश्वास याय्फु । अनलि वसपोलया च्वय
न्हयने धुंगु थुजोगु सुवानि दुगु म्बानिसें खःगु भिंगु लैय्
बिज्यागुलिं खनि धका लुदंक मती खँ लुइक्यफु । उकिं
वसपोलयात लसता चाचां थुजोकथंयागु ज्या सदांयाता च्वना
बिज्याय् फय्मा धका सुभाय् दोहलपे ।

भाद्र १० गते
वि. सं. २०३५ साल
नेपाल सम्वत ११००
गुला थ्व, गुंपुन्दि

पुण्यरत्न बज्राचार्य
सकाब्जे, वसन्तपुर
येँदे, नेपाः

जिगु खँ

नेपालया प्राचिन बौद्ध धर्म धालमां महायान खत
ध्व धर्मया पूजा—विधि अध्ययनयान्! एवंपि सचातयगु
चिक्रिचाधंगु पिण्डविधान तयारी समारोहस दजु श्री
सत्त्वतारा वज्र विज्या वले पञ्चदानया खँ न्ह्यथना पञ्चदानया
वारे सफूचा छगू च्वेगु भाला जिन बिया विज्यात ।

थुगु भाला कासे पञ्चदानया वारे सफू च्वय् न्ह्यः
महावस्तु, पिण्डपात्रावदान, कवितावदान, कपिशावदान, सुग-
तावदान, दिव्यावदान, अवदान — शतक, श्राव्यभूराण,
दानगाथा व पञ्चदान पूजाविधि तःधाःसद्धि सफूच्यया
सःसःथे पञ्चदान विवरण धयागु सफू च्वया क्वचायेका
दाजु सत्त्वतारा वज्रयाथाय् वना क्यना । ध्व सफ
छापय् याःसां जिल धका लः व्हाना थका ।

थौं वसपोलं पञ्चदान न्यायेका नं सफू च्वका प्रकाशने
हयाः इना बिया विज्याःगुलि थुगु पुण्य संभार पूर्ण जुयेमा
धका जि आशिका याना हानं ध्व सफूयात सफूयागु रूप बी

जीका बियानं प्रुफ नापं स्वया संशोधनयाना विज्याम्ह उप-
प्राध्यापक श्री पूण्य रत्न बज्राचार्ययात धन्यवाद ज्ञापनयाना
अनंति जोगरत्न सिन्दुराकारजुयात नं पंचदान पूजाया धल
पौ विग्रहयायगुलि धन्यवाद ज्ञापन यायां श्व सफुली गनं
मगाःगु द्वंगु. स्यंगु दःसा क्षमा पवना चवना उक्रिया नापं
थुकी मगाःगु छुं खँ दःसा सल्लाह बिया ग्वहालि याना
विज्याविद्यादी धयागु नं आशा य ना चवना ।

चवसि

श्री चंद्ररत्न बज्राचार्य

मन्त्रसिद्धि महाविहर

येँ, नेपाः

पञ्चदान पूजा विधि

पञ्चदान संकल्प

पञ्चदान यायेगु निश्चय जुलकि कजिनं पञ्चदान
यायेगु संकल्प याये च्याला ति न्ह्यो भिंगु दिन म्वया
संकल्प याये खुन्हु न्हापां श्री स्वयम्भू चैत्ययात पञ्चामृत
तया पूजा छोये श्री हारती माजुयात कल म्व १ पूजा छोये ।
पञ्चदान यायेगु संकल्प यायेवले गुरुजुं पञ्चो-पचार
पूजा याये जहानपिं भोछिसिनं स्वचित्त याना हामो
कुश व्वना लः तयाः संकल्प यायेमाल । पञ्चदान सिमध-
तले सुथे पूजायाना बहनी मत बियेमाल छेँय संकल्प
याना तयागु बस्तु पञ्चदान सिमधतले संकेमज्यू म्वा सां
म्वाःसां धयूनं वनेमज्यू ।

श्री दीपंकर आदि-बुद्ध दयेकेग

दीपंकर दयेके बीत न्हापा श्री स्वयम्भूयात पञ्चामृत
तयाः पूजा छोये, श्री हारतीमाजुयात कल म्व १ पूजा

छोये । बांलाक ज्यास म्ह कालिगड्यात दयेके बिये । कान्ति
गड्यात विश्वकर्मा पूजा याके बिये । सीयाम्ह द्यो दयेके
बिये । सफा मजू तले सफा याका तिनि द्योधालेयाके बिये
द्यो धलवठयाम्हहेमाः धयागु मदु । त्वहँयाम्ह नंज्यू, सिँ यामनं
ज्यू, चायाम्हनं ज्यू, दानं पौ भाः जक नं ज्यू.

बुसल्लाह

थन भरोसा बीपिं दाजु किजा, फुकि, तना केहे
पिं, ज्ञाति वन्धु, छयॉव्याःत खँचित्ता, सर्वचित्ता, सुर्ती,
भरिं, सुवाः, नके चित्ता, मधिचित्ता, तिरभरिं ह्यय्त, ह्ययर्नात
गुरुजुपिं व माःपिं सकल तयाः सुनां सुनां छुछु भल
कायेफु बिचाःयाना सलां थहरे जूथे, सबलयात भाला
बिये माल । ज्यातेका मलाः बायेमत्यो सल्लाह याये खुन्ह
पूजा याये स्वाः (तुचा जक याके) ।

वाःकाःवनेगु

भिगु साइत स्वयाः साइते लाका सिमा घेने माल ।
सिमा काये बले दःसा गोयछा सिँ कायेगु मदुसा मेगुनं
ज्यू । सिमा पालेत लुँयापा वहःयापा, नयापा, ग्वना
पूजा याये । पालेगु सिमायात पञ्चसुत्र कां सिमाय् दिनाः

कलश पूजा याये सिमा बालीम्ह उयामिवान हस्त पूजायाना स्थना-
 तैगु पाफुकल लःहाना सिमा पायेंके त्रिये । वनदेवीयात पञ्चो
 पचार पूजा याये, सकलसियां सिम्हःतिये समये नये । कन्हे खुन्हु
 निसें व्यामि गाक्क तयाः ज्या याके । माह्न याना घेनागु
 वा न्याकूयात पञ्चरङ्गि ध्वजानया धिमे वाजं याकाः
 सकलें मुनाहये । पिखालखुह बजि पिया धांसंगं बिया दुत
 कया तयमालं । भध्दा दुथे भांजन याके माल मेगु १०
 न्येगु भारिति कोषीका वा मोटरे तया हःसां ज्यू ।

निक्खुसीयागु सल्लाह

मुख्य माःमाःपिंजक सःतेगु । थुगु सल्लाह यात
 मेपिं मसःतुसां ज्यू । दाताया भध्दा दुसा गुलि माल उलि
 स तूसां ज्यू ।

सुवर्णं पिण्ड—पात्र छिये

सुवर्णं पिण्डपात्र छियेगु दिन भिंगु दिन लाका
 साहत स्वया वैशाख महिना बाखे छियेमाल । मेगु महिनाय्
 वर्षात जुइगुलिं वैशाख महिनाय् छीगु भिं ।

गुलु—पा छीत कलश पूजायाना चान्हायेका सुवर्णचुं लुं
 चुं, भध्दा दुथे तया स्थापना याना पूजा याये कुमायात
 पञ्चगव्य विये हस्त पूजायाना चान्हायेके माल कुमाःया
 घःचाः न पूजा याये । स्वनागु चा, न्यागु भाग
 याना दथुं निसें कयाः गुलुपा छिये । छिनागु
 न्यागः गुलुपानं पूजा याये, निराब्जन, त्वहांगिरक्षा, मक्षफं

तोये. सिफं लुये । कुमाःया विश्वकर्मा पूजा याये कलःछग
जक विये. सिन्ह तिये । छये^० गुरुजु थंकाति कुमा थुलि
छिया कौला याये । समेयनये ।

मधि छुयेगु विचार

न्हापां दान यायेत ७००० जोलं मधि मछुसैं मगाः अपो
छुयेगु थगु विचार यानिसला दनेतयेत त्वाक छयाना अष्ट
मङ्गल चिंतया छुयेगु ७०००, ऐथा मधि, ७०००, गुलः मधि ७०००,
गुल छुयेत, मधि छुयेत, भोजेयात लगत व बाजं खलः
तयेत सिर पाउ बीतनं गाक्क मधि, गुलः छुये दान शाला
स दान याः वइपितनं वियेमा ऐथा व गुलः सुवर्ण मधि,
बिगु बाजं खलः अन्दाजि १०० दान शालास् दान याइपिं
भक्तजनपिं १०० थो फुक्क हिसाव याना सुवर्ण मधि ऐथा
गुलः छुयेमाल स्वयम्भूसच्वंपितनं मधि बीमाःपिं दान
शालादयेकूम्ह, धिमे, गुंलाबाजं खिंवाजं, दापाबाजं,
नायखिं, पोङ्गा, बासुरी दानशालाय् दानयावपित नं,
छयांज्येतयेत दनू दयकूम्ह माःपिं ग्वया वियेगु मेपित कर
मदु । जाथुपिं भरिं, सुलीं, थव फुक्क हिसावयाना मधि,
सुवर्ण मधि गुलः, ऐथा, दयेकेमाः ।

वेला स्वया मधि छुये

न्हापां श्री स्वयम्भूयात पञ्चामृत तवा पूजा, श्री हारती
माजुयात कल ग्व १ छोये ।

मधि कमिया विश्वकर्मा सालेत कलः १३ ? किसलिनं
तया विश्वकर्मा साला इये विश्वकर्मा स्वने ग्राम विश्वकर्मा
चिं चषया तयागु धकिं तये, आसांवरि नं तया किसलि
स्वने लय सेवा जं ल पूजा याये । कजिया श्रद्धा दुथे
छुचुं, ध्यो, वा. जाकि, चिकं सुवर्ण मधियात, लुचुं माको
तये । छुचुं पिचास तये, कमिया व्याम स्वना पूजायाये
कमियात पञ्चगव्य बिये । हस्त पूजा व्यामः लः रुहाये
वेला लाक सुवर्ण मधि नं न्यापा छुया तये, छुचुं पिचा छ
पिचा स्वनागु सुवर्ण चुं दुगु छुचुं लिपा न्हाये पतिं भति
भतिं ह्याक छथाना तये चिकं, ध्यो द्वाजे पोद्दा छोये साइते
लाकक मधि छुये धुसंलि सिन्ह तिये प्रसाद कथा समयेनके
विश्वकर्मायात सुथे पूजा याना, बहनि मठ बियेमाल,
मधिगुलः श्रद्धा दुथे दयेके ।

गुलः चिनेगु

मधि छुयेगु साइते गुलः च्यूसां इयू गुलःथा
वासः चप्पा, साख, व माःगु जडिबोति तयेमाल, ध्व
फुक्क स्वना पूजा याये माः ।

गुलःया वासः साखः सुचुं, इमू, मनेचुं, ध्व वासः
भतिचा जक तःसां गाः ।

तौलयात ४ तोलां कम याये मज्यू मधियागु
साइते यासानं स्वयम्भूयात पूजा श्री हारतीमाजुयात
कलः छोयेहेमाः ।

श्री दीपकर प्रतिष्ठा

स्वयम्भूत पञ्चामृत तथा पूजा श्री हारती माजुयात कलः ग्व १ पूजा छोये ।

दुस्वः याना दश कर्न प्रतिष्ठा याये माल, गण चक्र, सेष बलि,, धौ सगं, गोसगं, काये कन्दे खुन्द चतुर्थि नं याये माल ।

चाचि तयेगु

भिंगु दिने बेला लाक चाचितये । न्हापां श्री स्वयम्भू स पञ्चामृत तथा पूजा श्री हारतीमाजुयात कलः ग्व १ छोये । चा भेगः ५ कान्तिगडयागु ज्याभः स्वना कलस पूजा याये । कान्तिगडयात पञ्चगव्य बिये हस्त पूजा याना ज्याभः लः ल्हाये । न्हापां भगवान बुद्ध श्री स्वयम्भू दीपकर विज्याके थासनिं चाचिं तये माल मेथाये चाचिं लिपा जक तःसां ज्यूः सिन्हःतिये गुरूजु थकालि कालि गढ स्वम्हसिया मोजन याये

रङ्गाधिवासन पूजा

भिंगु दिने बेलास रङ्ग च्वयेत न्हापां श्री स्वयम्भूस पूजा श्री हारतीमाजुयात कलः ग्व १ छोये ।

न्हूगु मिला ५ गबले पञ्च—रङ्ग न्याता स्वने । चित्रकार या ज्याभ नं स्वने कलश पूजा याये चित्रकारयात पञ्च-गव्य बिये हस्त पूजायाये ज्याभ लः ल्हाये ।

न्हापां स्वयम्भू बिज्याकेगु थास छे दशुइ बीपंकर
 चवये जवस, कवस, निम्ह कवसं मक्तजन चवये जवे मिजंम्ह,
 कवस मिसाम्ह, चवके । मंमंगु माःमाःगु चवसांनंज्यू ।
 स्वयम्भू बिज्याकेगु दूगु लुप्पाया फुसं तोरणे दशुइ श्री
 बजसत्त्व, जवे कवे तिलोपा नारोपा लुप्पाया जवे कवे
 सिपुती भित्तु निम्ह चवये । कवसं जगेरा दुसा द्वाक्यातये ।
 तोरणया फुसै छत्र चवके गुरुजु थकालि चित्रकारंयात
 भोजन याके,

घेवा फुका मसःम्ह चित्रकारयात चवके मज्यू । रङ्ग
 नं सितिं बनि ज्वानं ताउत मालि सःम्हहे चित्रकारं चवकुसा
 बेस जुई । रङ्गनं भिंगुलिंहे चवके माः ।

रङ्ग द्यो चवये खिधल कि संक्षिप्त पूजायाये

श्री स्वयम्भू बिज्याकेगु दबू दयेकेगु

न्हापां श्री स्वयम्भूयात पूजा श्री हारतीमाजुयात
 कलः म्भ १ द्योये । स्वः म्भये थाय् कवसं थां ग्यंगः सिक
 मिया ज्याम. बौ पा. १ स्वना कलश पूजा याये सिकमि
 नायो स्थापित, पलिं चीम्ह नायो, शिखराकार, थां स्वाइम्ह नायो
 मानन्धर थुमित पञ्चगव्य बिये हस्त पूजायाये सिकमि-
 यात ज्याम; मानन्धरयात न्हूगु थां लन्हाये थां स्वाके
 लुखां पिने नं थां १ धंके । सिन्ह सिके समयले, स्व याकनं
 सिधयेके माल । पलिंचिसिधलकि शिखराकार पली

गजु हुये के । यः काः बने न्हयो छायेपिके इला पेने उगा
बाकि छुंहे तथा तये मज्यू फुकं हे सिधयेके मा ।

लहिका चिने

पाय्छिगु ई स्वया लैका चिये माल । मुलाचार्य,
उपाध्या, मेपिं ध्या—गुरुजुपिं, स्वयम्भूया स्थविर १ छयांज्या
चिः चित्ता, सर्व चित्ता, दान शाला चित्ता, मत चित्ता,
मधि चित्ता, क्षिर चित्ता, फुकित, ज्या याइपिं, त्वाः वाः त
थःत भरोसा बिबा च्वपिं बांलाक बिबा याा ज्यायाइपिं
थः थिति माःमा पिं सकल्यं धलपौः बगोजिम माःपिं
सकल्यं ज्या जुइ थाय् थासे थ से म्हतिं म्हतिं ज्यायायीपिं
सकलसिनं बजिनं बिति भाव याना ज्या खँ धाये माल
“थन बिज्यापिं माःपिंसं श्री भगवान्वात सुमरण याना
दाताया कार्य सिध्द जुइमा धका भाः पाः सकल्यं मुना थव
कार्य सिध्द याय् माल” ।

येचि पूजा

पञ्च दान न्यान्हु न्हयो यचिं काये माल । श्री
स्वयम्भूयात पूजा याना द्वाफो स्वां तथा किसलि तथा साला
हये, श्री हारतीयात कल ग्व १ छोये, श्री गुहेश्वरीयात
पूजा यानाः किसलि तथा सालाहये गणेशयात पूजा याना
किसलि तथा सालाहये, दिग्व्याःयात किसलि तथा पूजा-
याना सालाहये स्वक नाग वहा द्वाफो स्वां छफो
तथाः किसलि थियेका हये, पुइनं हाये के छाये । किसलि

साक्षा हयागु देव साक्षा हयागु किसलियात तुयगु कापनं
 पोचिना द्योयागु मां ये च्च माल । द्यो यागु नां दाया मनुवक
 कठं तये । द्यो को द्युयके न्हापां । श्री भयम्भू २ श्री गुहे-
 श्वरी, ३ दिगु द्यो ४ गणेश ५ स्वक बहाया नाग कोलाक
 तये ।

मुलाचार्यं ताये आखें द्रुफं स्वां ज्ञानाः गुम्ह गुम्ह
 द्यो खः उम्ह उम्हसिया मन्त्रं आवाहन याना किमलिस पूजा
 य ये न्याम्ह देवताया चिंह च्चये । तौ दुगु कलशे नी ल
 वज्र च्चया स्वने, नागया किसलिया क्वसं नाग स्वने । सगं
 पति, कलश, मत, बौपाः १ स्वनाः तीथेया ल पञ्च
 पल्लव पञ्च वृद्धि, पंचामृत, म्हेखा पा तुफि, लुं वहपले
 पञ्चसुक्का जत्तानैक्या छत्र, मागु फुकं तथा कलश पूजा
 याये । यचिं देवता कलश येचिं लित तये वने
 तिनि ध्वये । कलश मल्होने, कलशया ल धिनाजक कयाः
 मेगु लःथले तथा सकल सितं कायें । न्हिथं यचिं बौधियेमाल
 येचिं बौ धीम्ह गुम्हु व थ कालि व बौशईम्हसिनं छाः
 लाभा, प्याज, व असुचि पदार्थ नये मज्यू गनं चाहिलेन
 मज्यू । मेपितिगु चिपं थिये नं मज्यू । येचिं लित मतयेकं
 सुं देवापिनं पूजा याये मज्यू । न्हिं न्हिं बौ धियेत बौ
 पा छपा लं थिचा व धाला तथा पूजा याये । येचिं काय्
 खुन्हु कुमारी पूजा आगमे पूजा था वने । सकलसितं
 भोजन याके वहनि मत विये छोयेलाभूनं याये माल ज्याय्
 च्चपिं सकसिनं ।

निमन्त्रणा

पञ्चदान प्येन्हो न्हो गुँला बाजं तथा निमन्त्रणा घने
श्री श्वयम्भूयात कलश पूजा श्रीहारतीमाजुयात कल ग्व
१ पूजा भगवानया स्थानस चाकु पूजा मयासे निसला केयु
फलफुल, मधि, सामान फुक्क श्री भगवानया न्होने वोया कजी
पिसं द्वाफो स्वां, ताय जाकि जोना ग्वा ग्वे देना तथा विन्ति-
याना च्वने । उपाध्यानं दान पत्र वचना दान पत्र द्योयात
छाये पूजा याये, अर्धनं याये, दान पत्र निकेगु वा ताना
बिये, थनं लिपा चाकू पूजा, किगतिये सगं छाये, सिंह तिये
“पंचदान वत्ते विज्याकिम्ह श्री भगवानया त हायेत मधि फलफुल
आदि छासे अर्धयाना वय, शान्तिपूरे लयेसेवा पूजा याना
प्रशाद काये । लिहाँ वये भोजन श्रद्धा दुगुनके कर मदु ।

नुचिचे

पंच दान, खुन्हुन्हो नुचिके माःपिं मुलाचार्य, उपाध्या,
कजि, कजिनी, मेपिं थकालिपिं दुसा अमितनं सःते । क्षिर
थुइपि, द्यो कोद्रिकुम्ह, पूजा बो कोम्ह, थुलि सिया संवाये
लुसिं घेने, अल तये, जादानपिंनि सुचिनिचि याये ।

जाथुये पूजा

पंच दानया जाथुयेत पूजा याना मत बी वत्ते वहे
मतं भुतुली मत विद्या मिच्याके ।

न्हापां येचि बी बिपे, जाथुये, क्षिरथुये, सुतुलिस
 खांसि वेधुये कलश पृष्ठा हाकुजाकि ५ फें क्षिर थुयेत, तुयूगु
 पुवा जाकि, पिचा ५ गः चतनं ग्वने । क्षिर थुइपिनि मोल्हुयेमाः ।
 क्षिर थुइपिनि ह्युतु वांपुयेत तुयूगु रुमाल छकुनि ह्युतुइचीना क्षिर-
 थुई माल । पंच गन्ध नं बिपे माल जाकि खांसी छुये स्वनागनं
 फुके सं तये माल । स्वनाग जाकि क्येकं मज्यू । जा बुइव तगोगु
 जागुलुपा ७ग क्षिर गुलुपा ७ग धना वया पूजा याये सुनान
 मथीक तैतये माल । क्षिर थूपित मले चिनि मतिचा नके
 अद्धा दुथे भोजन याके । थुमिच ग्यालियाई पितं नं
 हापांतुंहे मोल्हुयेका तयेमाः । पंच दान जाथुयेन बिचा
 यांना तिनि क्षिर थुये । जागुलुपा धनेत चिंगंगु ७००० धन
 स्वये वले मगासा कन्हे खुन्हु जक थूसां गाः

क्षिर थुयंगु बिचार

न्हापां सकल सितं क्षिर प्रसाद धका दंपुनापं वियेगु,
 थः थितिपितनं प्रसाद धका छेँ छेँ थेंक तयेंके छोयेगु ।

पञ्चदान खुन्हु दुजोपिं सकसितं क्षिर भोजन याकेगु
 अद्धा दुसा बाजं खुलत, स्वयम्भूया दोराला गुरुजु पितनं
 क्षिर भोजन याकेगु ।

द्यो काःवनेगु

पञ्चदान न्ह्यथुखुन्हु फक्वहे न्ह्यथ्याक द्यो का वने
 हारतिमाजुयात कलपुजा व शान्तीपूरे लयेसेवा जोलं
 पूजा याये । चिपं थिये मयू ।

इच्छाथे भोजन याये ।

यो का वनेसुन्दु भवये धायेके छोयेवले लेहा चिना-
वमोजिं छकोलहे धायेके छोय्गु थी थी हुचा पत्तिकं धायेके
छोये स्वा ।

दान शाला ग्ययेगु

स्वयम्भू विज्याकागु दानशालाया कवये न्होने कजिया
यो व्वयेगु थाय् ह्य छह्य सित जग्गा निकुया दरं कजिया
पूजा निसें दान यायेगु ता गुलिदु उलिसित माको थाय्
वाःनं दुने कते याना चिरभोजन याकेगु थायेनं तये हानं
दान यावये धाको सितनं थाय् तथा वी माल थाय् थासे
धलिं लाना पौनं तथा विमा पलिं चिना वियागु छोय
धाःसा बा वे योगुलिं पञ्चदान निन्दु न्हो दान शाला तयार
सिगुयाना तयेमाः । छचांज्या तसें दान यायेगु वस्तुत छसिनिसें
मिल्लेयाना बियेमाः । दान यायेगु वस्तुत व दान याइहो सिया
नां चवचा थाय् थासे तिका तयेमा अले अल मल जुइ
मखु । साया विइगु बातुननं भएडारे थिक थिक याना तयेमाः
चिकं भोंचा साख ति भोंचा लखे फोया तिनि साखःति व
चिकं तयेगु याय्माः ज्या चित्तात न्हपां वयाः सकसिनं
ज्याय् विचाः यायेमाः । गुगु वस्तुत ख व वस्तु दान याइथाये
तैज्यू वनाहे चवनेमा । हकि हकि धायका चवने मउयू । ज्या

विज्ञात अदत्त ददत्त मज्जुः थिः जुः थो कुः ज्या
विज्ञातसं पुरेयाये भाः ।

स्वयम्भूया न्योने क्वादां विज्याह्मद्यो व कजियाह्म
नं द्यो तयः कलश पूजा याये क्वंथा ? पञ्च सुगन्ध २
पंच गन्ध ३ अर्घ्य पात्र ४ नं स्वने निं बांलाचां सां ज्यू म्वते
तयातयेगु गुलुपा छगः नं स्वने द्यो विज्याकेगु म्वने आसां म्वादि
लुं बहः पले, नं तये देवानं तये । सिन्ह नित्ये धुनेव कजियात
अर्घ्य पात्र लःल्हाये । न्याम्ह मितनं कजि नकिंयात क्वंथां
लःल्हा, म्हायाम्मचायात तुफी लःल्हाये, भीमचायात ताचा
लःल्हाये मेपिं जाहानपिसं ताये होला वये, पंच सुगन्धनं
हा हा याना वये । कजिपिं न्हुगु दान सालाया न्योने च्वने
द्वाहा ल्याः तये, माला छग लाये वलिं पिये, लसकुस याये
दानशालास विज्याका कजि । छेँ विज्याके । दिपकुर च्वक
तैथास आसांवादि तया द्यो विज्याके, लुं बहः पलेनं तये
दक्षिणानंतये गुलुपानं तये, द्यो नं विज्याके म्धदा दुथें निसला
केपु नं तये, मधि मसला ग्याग्ने नं छाये पंचामृत तया पूजाम
छपा पूजायाये बह या रत्न मण्डल चिंदुगु रत्न मण्डल बोह
लपे, सकसिनं अर्घ्य याके. वीं सगं विये, मङ्गलाश्चरण
व्वने. द्योदानशालास विज्याके । दुतकाय्बले लुखांचेविज्याके
मज्यू लिन विज्याके बलेनं लुखां विमज्याकुसे म्यालं दान-
शालाया स्वतस विज्याके । दानशालास द्योया न्योने कलश

पूजायाना महाविप छोयेके बलि छान बिये, बिघिये पूजा
धुनेष किशानं दानशालास बौ होयेके । कवचाथासं बौतये ।
दानयायेगु सामांभीस पूषादि पूजा याये । दानशालास
दान यायेगु बातु संकल्प याये । दातांनं शोयात भक्ति
भावयाना क्षेमा फोने । शान्ति पूरया सिन्हतिये । कजिन
पालं याये

पंचदान खुन्हु ताल लाके मांगु

न्हुगु लुखां निसें तुयूकापः वसालाना तये पाद
प्रक्षालये यायेत कोहु आसं खादि, कोला पोतासं अष्ट दत्त
मण्डल चवयातये लःछतुलु तये वाये जाकि स्वां पूजा
सिन्ह तिके सुगन्ध तिके सुगन्ध लेपन जजंका स्वां
अष्ट सुगन्ध खालि मजुयेक थतातये तप्पाःगु देवा च्याका
तये । निसजा बियेमाःगु फुकं तया तये कजिनं जागुलुपा
कजि नकिंनं वा गुलुपा दक्षिणा मधि सुवर्ण मधितया
क्षिरजा गुलु मधि ऐथा मधि चप्पा सुवर्ण मधितया क्षिरजा
मुलु सुका तुफि लाखि साखती चि चिकं हलः अम्बः छो माय,
म्वाः केयगु सलां दतिवं जाप्ति मिला किसि मिला कपाय वस्त्र,
कसाये गारत्न मुकुट उद्यां तुपुलि छत्र लाकां गज (किसि) तुरंग
(सल) कंन्पा चन्द्र बिम्बुसूर्य बिम्बु छेँ, बुँ वेताचिं चुल्हा पेति

पंचदान खण्ड

न्हापां यच्चिं बीं थिये. महादिय थिमजंन याये धुनेव
सुकुंदा बीपाः १ तथाः गुरू मण्डल दने पंचगव्य विधिबत
पूजा बेलाय लक्क स्वयम्भू श्याया न्होने दानत्र भवे
कजिनं दान शालायागु लुखाया खापा चायेक साथ दक्क-
सिबे न्होने च्वम्हसियगु तुतिया छात्राग्विं जोना त्वने
मज्यू । अनं लिपा वसा जाना दुतकाये मेपिं दुत मकासे
पूषादि पूजा याये । न्हापां द्वाहां वम्ह ! मूलाचार्य गुरू ?
उपाध्या ३ कर्माचार्य ४ ध्याः गुरूजु जम्मा न्याम्हमित
गुजिलं संकल्प याना लः ल्हाना लिक्के, पादा अर्ध याये,
रत्न मुकुट वा उद्यां तुपुलि पुयेके, पंचोपचार कथं न्याम्ह
सितं पूजा न्हापां विज्याम्ह व मुलाचार्य गुरू यात छेँ बुँ
चन्द्र सुर्य, बिम्बु, पेति चूल्या वेताचि आदि दको दान बिये
थुलि धुनेव मेपिं सकलसित दुत विज्याके दान शाला
चलेयाये । न्हापां विज्याम्हसित बाजं थाना छत्रं कुयेका
गनतक फत अनतक तये । सत्तिपिंत जुसा छेँ थेंकहे तय
आशिर्वाद कबा विदाकया बये । दान शाला सुथानिसें बन्हिया
निगू प्रहर जुयेव काया वइगु वस्त्रतस सुकुंदा च्याका च्वयेक
वने । काया फुमिभु वये धुनेव दान शालाया खापा तिये ।
द्योयात पंचोपचार पूजायाना दानशालाय च्वंपिं सकल सितं

निर भोजन याके । येचिंलिमतयेक ला भय नयमज्यू काजन
सकसितं बरोबर भवा विज्याहुँ भवा दिसँ धकाः धया
चवनेमा ।

द्यो तः वने

पंचदान सतिखुन्हु न्हापां येचिं बौ बिये । भया पिं
दकोसितं चवयेके छोये । सकपित मागुखतं सनमान
यायेमाः । अतं लिषा शुद्धजुं स्वयम्भू द्यो आदियात पंचो-
चर पूजायाना कजिपिं सकपित धुं च्याका दशवत्र तथा
दानशालां द्यो क्यछाया द्यो खतस विज्याके द्यो स्वयम्भू स्वका
बिज्याके । मिसालयसं धुं च्याका ताय् द्यो मिन्ह होले ।
वाजं भादि थाका द्यो विज्याके । भुइ द्योलें थेंव वाजं खलः
तयत यथा अर्धदा दयगौ सुवर्ण मधि, निर ऐशामधि गुल
मधि २ तागु दरं विये दक्षिणा तथा यिभल । स्वयम्भूस
कलश पूजा हारतीस कलश्व १ शान्ति पूस कजि थाकालि
जुयाः लये सेवा जोलं पूजा तिथलकि सिन्हतिये, समयाचक्र
पौ खः जात्रा याना हये पिखलखुस वलिं मिया पौखः
दुत्त काये ।

येचिं लित तये

न्हापां येचिं बौ विये बौपा १ तये कलश पूजा बौ
विये, सिन्ह तिये बौ छोये येचिं द्यो लित तयेत कलःनं

छांये, सुयर्ग मधि, गेथा मधि व गुल नंतया छांये, न्हापा साक्षा
हयागु किसलिनं लित दयेक छांये । विश्वकर्मायात लये सेवा
जोलं पूजा याना विश्वकर्माया किसलि, धकिं, काप. मधि
क भियात बिया छांये, आगमस लयेसेवा जोलं पूजा, कलश
त हाहा याना खुसी चुयंक छांय ।

विचाः पूजा

भाद्र शुक्ल सुन्दु श्री स्वयम्भूस कलश पूजा श्री
हारतीमाजुयात वलःगः १ पूजा शांति पुरस लयेसेवा जोलं
पूजा गुरुपि, कजिपिं व मेपिं कजिया अर्धदा दुपिं बोनायेने ।

डांगि वनेगु पूजा

न्हागां स्वयम्भूयान्होने कलस पूजा श्री हारतीमाजुयात
कल ग्व १ पूजा भाद्र शुक्ल चतुर्दशी सुन्दु मच तः वने सुन्दु
कजिया छेँ खापा, मुखः, जामा स्वनाः लयेसेवा जोलं पूजायाये
मशाद वाये, निमन्त्रणा याये मापिं छांज्यापिं सकलें मत
तैम्ह मिसा मचा छम्ह, थ थितिपिं सकलयात निमन्त्रणायाये,
अर्धदा दुये भोजन याके गुंला बाजं, धिमे बाजं, थुलि बाजं
तये । गुरुजुं खापाः मुखः व जामा सःन्हाता बिबे । गुरुबात
दक्षिणा विये, कजितं जामासिये लनं किये, खापा पुये, मुखः
नं पुये, तिसां निये, थः आगम देवता, कुल देवता,

गणेश, विहार, ननी थन निसें मत बिया होयात दक्षणा
 छाया चेमा फोना, देश परिक्रमायाना थाये थासे मननं
 तयां बने, लैय् थःश्रिति मचातयेत चिज बिज दक्षिणा
 अर्धा दुथे बियाबये । इयहां बयाः थःगु पिखा लखुई पातचा
 तया बलि पिथाः कजियात लसकुस याना दुवकाये ।

कजि, यो च्चे सयाः स्वापाः तोया, गुजिलनं तोता
 धौ सगं, खेँ सगं काये सकलसितं माःगु सनमान याना
 बिदा बिया छोये ।

बाजं खलःयात दये पौ बियेगु

१ नं. धिमे, नाय्खिं श्रृङ्ग भेरी, पोंगायात दये पौ
 तयगु मोह १ सुवर्ण मधि २ ता, ऐथामधि २ ता, गुलःमधि १ ता
 थुलि बिये माल ।

१ नं. धुज्या बुज्या, कोंचाखियात दयेपौ २ सुवर्ण
 मधि २ ता, ऐथामधि २ ता, गुलःमधि २ ता, थुलि बिये माल ।

१ नं. देवी बाजं, धा बाजं, म्वालि बाजंयात दयेपौ ३
 सुवर्ण मधि २ ता, ऐथामधि २ ता, गुलःमधि २ ता
 थुलिबिये माल ।

४ नं. मेपिं बाजं म्वाको बःसां अहे दरं दयेपौ बिबसा गाः ।

साखःति दयेकेगु जोलं

पंचदानया म्थेथु मुम्हु शाखःति दयं के । साखःति दये केगु मसलाः—

१. सुं पालु २. मले चुं ३. इष्टमि चुं ४. एला चुं
५ साखः माको

दबू दयेकेगु नकशा

जाः जम्मा फुट २२ बैय दुने म्थनेगु फुट २ बै च्यये
फुट ६ तं तयेमा दलिं यागु लिगुबे जम्मा जाः पौयागु
भेसेलुगु कतेयाना माको तयेगु फुट २२ दथुयागु कव फुट
८ जबं खवं ७×७ तयेगु गज १० फुट तयेगु जस्तायात
दुने जक सुलुप तया किलास स्वयेवने सुलुप खने मदयेक
तया विचार याना पौ तये । थाय् चिकिधं जूसा २० फुट
जक जमिने तःले २ फुट जमिनं चयये ६ फुट दलि लाबा
लिउनेया कव फुट ८ सिथेयागुकवः ६×६ दुसां गाः
गज १० फुट

जोलं

खतयात पं, कों धाल, छ्वालि, वेतापिं, सुकले, गोकुल
(पंभति) भकारि, चुश्या (बाजु), पुलु, पंचरङ्गि गुजि लं, दाला
पंचरङ्गि छत्र, जा तयेत तपाःगु चकि, रत्न मुकुट (बद्यां तपुलि)

जापिचा, श्री स्वयम्भूयात तुयु छप, जाकि बनि पिचा, इलां
 बें कि पिचा, वसः कार, चिगःगु धकि, वाधा किधा काप
 लपते, आसन काप, साखः, तिर जाथुईपिन म्हुतुई चीत,
 छकू तुयु काप, छोराः म्ह सिन्हः, एला म्हासु सिन्हः सिंया चतं
 न्हूगु तारणसमेतदुगु लुखा, पंच सुगन्ध, कोपु कुमुं कोल्ता
 तुल काप, खराउ, पशुका, सिजःपागु जा चतं, महादिप, लुँ चि
 माछि तुखः, लुँ यह पत्ते, कँय खोला, वहःया चित्र दुगु
 रत्न मण्डल, कँयया जल पात्र, चन्द्र बिम्बु १ सूर्य बिम्बु १
 पंच रत्न, सुवर्ण मधि, दान शालास दान याईपित
 बालं चाकेत बोहता माको, मुलु, दां भेग, सुका, बाःति भेगः,
 लास्त्रि, अंप, तुफि, जा गुलुपा, दतिव, निसला पाः, मोसिपो
 साखःति भोंचा, दक्षिणा, चिकं भोंचा, पालुचाः, जासि मिला,
 केराचाः, केँसि मिलाः, लैंचाः चिगोगु सलि, कँययागु तौ दुगु,
 यचिं कलश, छो, नाग भोंचा, म्वाः, देवा माय्, तिंचा, चि, मकः,
 चिकं, वूवहः दान यायेत चिगोगु गुलुपा, चप्पा, हजः, निसला
 पायात वज्रि, अम्ब, हाकु जाकि, गुलः, जाकि, सकिता, वा, दास,
 दासी, सल, किसि, छेँ, बुँ, छत्र कन्या, दुरू, सलां थव ब तु
 चूलाका बी मफुसा निगू जक तया बीगुनं चलन दु ।

कवे चि थ्यायेगु

पंचदान खुन्हु न्ह्यो कवेचिं थ्याके मफत कि लिपा
 गरबर जुयेयो ।

छर्गाये, स्वः चित्ता मत्ता दृष्टुपिस दृष्टुगु हया थिक याना
तयेमाः, तास, पट्टा इतां आयम्यानी ज्ञाया कृने याये त रेशम
थवा ४ कुं पा २ कलश नोःसमेत कायेके छायाः तयेमाः
यो काःबने खुन्दु सुथेदे थिक याना नयेमाः ।

छयांज्यातसे विचाः यायेमाःगु

न्यागु अवस्थायनं कजिनं मधाःसां माःगु ज्ञा थ
पिसं स्वया ज्यायाना बी माः । गुगु दिने गुगु ज्ञा याये मा गु
स्वः उगु उगु ज्या सिवय्का तयेमाः । ज्या याईपिसं गथे याःसा
जी धकाः विचाःयाना सल्हा यानाः मिजेयानाः च्वने माः ।

दरु

दछि लिपा, पंचदानया दिने श्री स्वयम्भू बिज्याका,
दीपंशर बुध्द नं बिज्याका त्रिधिवत पूजा याना, फुथे पिरुड
पात्र दान याये ।

श्री स्वयम्भूस पञ्चदानया पःताछा

भिंगु दिनस्वयाः पता यंका पता थाके । पता छा खुन्दु
न्यो सुचियाये । छन्दु न्यो पताः स्वत यात्रा यानाः स्वयम्भूस
महादिप छोयेके । दुःस पुर्णा खुन्दु होमयाना पता छाये ।
कन्दे खुन्दु मत काये ।

कवचाल

श्री पञ्चदानया दिन

युग चन्दे धालसां पञ्चदान दिने पंचदानन्यायेका
तगु छाये धालसा थुखुन्दु सुथंनिसे बाचाई तिके तक दानयात
धालसा पुण्यया संख्या मदुधका धयातःगुलि युग चन्दे
धालसां पञ्चदान छन्दु न्ह्यो भावण कृष्ण द्वादशी खुन्दु
श्री दिपंकर आदि बुद्धया प्रतिमा प्रति भरान्दो आदि
स्थापना याना पूजायाना त्तिर जा थुया पञ्चदान बियेगु
फुकं स्वनाः पूजायाना तै ।

कन्दे खुन्दु भावण कृष्ण त्रयोदशी खुन्दु पञ्चदान
बका श्री बज्राचार्य शाक्य भिक्षुपिं दक्खसित निमन्त्रणा
याना तुति चायेका पञ्चोपचार पूजा याना पञ्चदान दोहलपि ।
थथे मेमेगु दिनेनं पञ्चदान बियेगु चलन दु ।

सत्थ, त्रेता, द्वापर, कलि थथे प्यंगुयुगे पञ्चदान याना-
गुया फल प्राप्त जुइगु दिन जूगुलि पंचदान बियेगु मन दुपिं
दानपतिपिसं आपासिथां भावण कृष्ण त्रयोदशी खुन्दु पंचदान

घातगु दिन जुया अरुवन । अरु दिनयाम कया करिशाबदाने,
सुगता बदाने, महा वस्तु पिण्ड आवागदाने, विवित्र कर्णिका
बदाने ब मेमेगु दान गाथाळे युगया प्रमाण थथे चवयातल ।

कृत श्रावण पूर्वाण्हे कृष्णपक्ष त्रयोदशी ।
माघे पूर्णे मध्यान्हे त्रेता नाम युगोदयः ॥
वैशाखे शुक्ल संध्यायां द्वापरश्च तृतीयके ।
कार्तिके शुक्ल नवम्यां अर्धे रात्रौ सत्ययुग ॥
एते युगो दद्यादान दद्याद्वै द्विपदोत्तमे ।
सर्वेषां पुण्य संख्यासि तेषां संख्या मन्विष्यते ॥

चवये चवयागु प्रन्थे थथे चवयातल अलमलला
अलमलहे जुल ।

हानं अमोघ बज्जु गुरुपा प्रकाश जूगु दानगाथाळे
चतुर्युगया मतभेद धका थथे प्रमाण बियातल ।

कृत श्रावण पूर्वाण्हे धयागु श्लोक निसें कया अर्द्ध
रात्रौ सत्ययुग धका चवयागुथें मी वचना चवनेगुया चलन
अनुसारं कलियुगः खने मदया सत्ययुगः निथाये खने दन ।

हानं श्रावणे च प्रकृतिता धैगु पाठया प्रमाण कृत
श्रावण पूर्वाण्हे धागु पाठनिसेंकया अर्द्ध रात्रौ कलियुग धइगु
युक्ति जूथें चवं धका चतुर्युगया प्रमाण ताल पडस चवया
तःगु धकाः थथे प्रमाण चवयातल ।

भ्रावण कृष्ण त्रयोदश्यां पूर्वाह्णे कृतयुगः ।
 माघ शुक्ल पूर्णिमायां मध्याह्णे त्रेतायुगः ॥
 वैशाख शुक्ल तृतिथां संध्यायां द्वापरयुग ।
 कार्तिक शुक्ल नवम्यां अर्धरात्रौ कलियुगे ॥

अथ श्लोकया अनुसारं भ्रावणे सत्ययुग कार्तिके कलि-
 युग प्रसिद्धं खनेदु ।

हानं कपीसा वदानया प्रमाणं युगं कथंहे खने दत्त ।

कृत भ्रावण पूर्वाह्णे कृष्ण पक्षे त्रयोदशी ।
 माघे पूर्णैषि मध्याह्णे त्रेता नाम युगोदय ॥
 वैशाखे शुक्ल सन्ध्यायां द्वापरश्च तृतीयके ॥
 कार्तिक शुक्ल नवम्यां अर्धरात्रौ कलियुगे ॥
 एतेयुगं दयेदानं दधाद्वै द्विपदोत्तमे ।
 सर्वेषां पुण्यं संख्यास्ति तेषां संख्या न विद्यते ।

अथ प्रमाणं अनुसारं पूर्णिमां खुन्दु त्रेतायुगं धका,
 वैशाख शुक्ल तृतिथां खुन्दु द्वापर युगं धका कार्तिक शुक्ल
 नवमि खुन्दु कलियुगं धका भ्रावण कृष्ण त्रयोदशी धालसां
 युगं चन्द्रे खुन्दु सुथानेसें वाच.तिके तक दानं यात धालसा
 पञ्च युगे पञ्चदानं यातागु पुण्यं फलं प्राप्तं दु धका अथे
 धया तल । भ्रावण कृष्ण त्रयोदशी खुन्दु सुथेन्हाप नं पञ्चदानयात
 धालसा सत्ययुगे दानयातागु फलं प्राप्तं जुई, निहनेयात धालसा

त्रेतायुगे दान यानागु फल दई, सन्ध्याकाले दानयात धालसा
द्वापर युगे दान यानागु फल दई, बाचातके दानयात धालसा
कलियुगे दान यानागु फल दई.

इको दान यानागुया फल दु। थथे प्यंगु युग चूलागु
दिन श्रावण कृष्ण त्रयोदसी युग चन्दे खुन्दु दिने दान
बियागु फलया संख्या याये मफु।

थथे प्यंगु युगे दान यानागुया फल प्राप्त जुइगु दिन
जृगुलिं श्रावण कृष्ण त्रयोदशी महापर्वकालया दिने दान
पतिपिसं थथे दानशाला ग्वया गनं श्री स्वयम्भू विज्याका
गनं दीपंकर आदि बुध्द विज्याका वज्राचार्य, शाक्य भित्तु
सर्वसंघपित नितमन्त्रणा याता पञ्चद न वीगु चलन
यकोंदु।

थथे पञ्चदान न्यायेकेगु चलन येँ, खप, यल, ठेमी,
नगदे किपु आदि थाये थासे च्वंपिसनं दानशाला ग्वया
थ्व दिने पञ्चदान न्यायेका वया च्वंगु योकोंदु।

दानं गनं युग पर्वकालया दिनयात कया पञ्चदान
बिया-च्वंगु नं दु।

ला बने फुले दुथे फुथे सकसियां न्यायके दुगु. थ्व
मीगु नेपाल देशया पञ्चदान ख। पञ्चदान न्यायकागु फल
न्यायकुम्हेसित जक पूण्य फल प्राप्त जुइगु मखु सब प्राणिपिं

सकलसितं जय जुहगु खः । दान यावेगु न न्यायकूहसिया
 अकहे दान बियेमा धयागु मदु पञ्चदान न्यायकू थाय
 इच्छादुपिसं न्याह्वाना दानशालाय् दान व्यू वने दु ।
 पञ्चदान बोधयागुला बुध्द क्षेत्र न्याथाय् सनं दुगु खः । तर
 थौं कन्हे मेमेथाय् तनावंसानं मीथाय् आदि कालंनिसं
 दयाहे च्वंचवन तिनि पञ्चदानया दिन व पर्वकालया
 चलन ।

पंचदान ग्रहण याईपिं

पञ्चदान का वैपिं वज्राचार्य व शाक्य भिक्षु सर्व
 संघपिं जुल ।

प्रवज्या सम्बरया अभिषेक मदुपिसं थ्व पञ्चदान
 कावै मखु । उकिं मचांनिसं हे बौध्द धर्मे दुध्याका, चेरकया
 भ्रामणोरया अभिषेक बिया, चूडाकर्मयाना स्थविर धातसां
 थायेपापिसं चूडामँ त्वाः ब्रह्माकाः सँ पांचुक स्वाका त्रिरत्नया
 शरण छोया, पञ्चशिक्षा बिया, काषाय वत्र पुंका, प्रवज्या
 सम्बर बिया भिक्षु छुया पिण्ड चरण छोया, हानं भिक्षुचर्या
 पुनः आतृति जुहका, आचार्याभिषेक कयाः शाक्य भिक्षु
 वज्राचार्य घायेका, बौध्द धर्मया संरक्षक जुया विहारादि
 स्थापना यायेगुली संस्कृत धर्मे संस्कार कर्मे क्रिया, कर्म
 चर्या व विधि विधान आदि कर्मे प्रचार प्रसार याना बौध्द

धर्म चलेयाना वनेयानाच्यपितहे त्रिन संयधका घलसा
सर्वसंघ धका धाह । पञ्चदान का बिज्याईपि वरपोलपि
हे जुल ।

दानं दानपतिरिसनं वज्राचार्य व शाक्य भिक्षु
पितहे दान बिगुनं जुया च्वंचवन । यथे पञ्चदान यायेत
न्हापा श्री दीपंकर आदि बुध्दपिनिगु प्रतिमा वा पौभा.
स्वना वरपोलपित निं न्हापां पूजायाना पञ्चदान दोहलपा
लिपातिनि शाक्यभिक्षु वज्राचार्यपित पञ्चदान दोहलपा
दान प्रदान यायेगु चलन जुया च्वंचवन ।

पञ्चदान ब्यूगु दान का वेपिं अक मजुसे शाक्य भिक्षु
वज्राचार्यपिसनं दानशाला ग्वयाः पञ्चदान न्यायेका पञ्चदान
विथ वयाच्वंगुनं आतकं दहे दनि ।

श्री दीपंकरया संक्षिप्त जीवनी

अतीत काले अनन्त कप्पे सत्ययुगया प्रथम चरणे
दीपावती शहरे अचीष्मान राजाया स्त्री सुदीपा महारानीया
गर्भं बोधिसत्त्व जन्म जुये मात्रनं जाव्वस्य मानं मत्त च्चाना
प्रकाश जुया वःगु जुया नितिं बोधिसत्त्वयात दीपंकर धका
नामकरण यागु जुल ।

कमानुशारं दीपंकर सर्व शास्त्रं पारगत जुसेलि
राज्यांग सकलयात त्यागयाना पलेस्वाया द्धवी च्वना योग

ध्यानयाना मारणात जितेयाना बोधि ज्ञान प्राप्तयाना दीपंकर
नामं बुद्धजुया विज्यात ।

अनंलि बस्पोल श्री दीपंकर बुद्धं प्रसन्न शील महा-
बिहारे चयदोल मित्तु संघपि मुंका धर्म चक्र प्रवर्त्तनयाना
विज्यागु जुल ।

थुम्ह संम्यक्संबुद्धयात मेघ मानवं उफोस्वां न्याफो
दोहलपे हल थुवले दीपंकर बुद्ध मेघमानवयात छ कलिया
प्रथम चरणे शाक्य मुनि धया बुद्ध जुद्धका भविष्य बाणि
याना विज्यात ।

थुम्ह दीपंकर तथागत चक्रमण याना चाहुहुं छन्दुया
दिने किंशुक बने थयंवले ज्ञानकर माकलं फंसि छगः श्री
दीपंकर तथागतयात दोहलपे हल थुवले दीपंकर बुद्धं अति
प्रशन्न जुया छंगु दाना केलं तमागु सिमा स्वरूप जुया याकनं
छँ भोगमाये दयेमा धका ज्ञानाकर माकःयात आशिर्वाद
विया थःगुहे आश्रम पाखे गमन जुया विज्यात ।

बालान्तरे उम्ह ज्ञानाकर माक कामार्थि शहरे भुवना
नन्द धयाम्ह महाजनया स्त्री सत्यवती धयाम्ह महा जननीया
गर्भे पुत्र धायका जन्म जुल । उम्ह बालकयात धर्म श्री
धका नामाकरण यागु जुल ।

थुम्ह धर्म श्री बालक ब चा धिकः जुसेलि लाक्षी चवना
धू दाँ दाँ चिना मिहता चवंगु वखते श्री दीपंकर बुद्ध

समाधियोगं दना सफलं सर्वं संघपिं सहितं मुंका विगहा
 चरणं विज्यागु बलने धृदो विना लाछी म्हिता चुन्वम्ह
 धर्म श्री बालकं सर्वं संघपिं मुंका विज्याःम्ह दीपंकर बुध्द
 यात सनाः खनेमात्र थुम्ह बालक्या पूर्व वसनां श्री दीपंकर
 बुध्दयाके अति श्रद्धा वनाः श्रीश्वरी मदयाः थमं म्हिता
 चवनागु धूहे जूसां पासः पासः कया वा छो जाकि धका
 नां कदा दान बिल । बालक श्रद्धा भाव गुगु नां कया बिल
 वहे वहे वस्तु जुया बल । बालक्या श्रद्धा सना दीपंकर
 बुध्द खुसि जुया थ्व दान वृत्तया फल याकनं भोग याये
 दहेमा धका आशीर्वाद विया विज्याना बिहार पासेहे लिहौं
 बिन्यात ।

थुम्ह धर्म श्री बालक थुगु जन्म लिपां दीपावति
 नगरे जन्म जुल । अनं व सर्वानन्द राजा धायेका धर्मावति
 विवाहयाना राजा रानी जुया शुद्धात्मा दत्तचित्त त्यागि व
 धर्मात्मा जुया धर्महे देशे राज्य याना इन्द्र तुल्य जुया
 प्रजापित रक्षा याना लोकपिनि अबुथें ज्वम्ह राजा जुया
 चवन्वन ।

थुबले सर्वानन्द जुजु संसारे न्याको ऐश्वर्य दसां
 ऐश्वर्य दसा सुख जूसां छन्दु गोताहे वनेमाः छुहे येके मदु
 सीसा क्यूत्यू वैगु पुण्य छता अक स्वः धका पुण्य लाभ
 यायेगु कारणे सर्वानन्द राजां थगु पूर्व वासनाया फलं थगु

राज दरबारे दानशाला ग्वया देशे सकभनं घोषणायाना।
 सकलसित न्येकाः ऋयेकाः सता यःगु राज दरबारे दानशाला
 द्येका तोरण द्वार आदि तथा हाराहर, किंकिनी जाल, ध्वज
 पताकार आदि ऋयेका वितान छत्र पंखा च्वामो अष्ट मङ्गल
 मूर्ति आदि च्वके बिया छायेपेके बिल ।

बस्पोलं पूजा, भोजन, पान, वाष, न्हावले दिने
 ज्याखेले माःगु वस्तु आदि जोर जामनं याके बिया बिज्याना
 सकल लोकपिं सहित प्रशन्नशील महाविहारे वना श्री दीपकर
 बुद्ध व सकल सर्वसंघपित निमन्त्रणा याना, ध्वज, पताक
 ऋयेका, छत्रं कुयेका, च्वामोलं पंखा गायका वं पुयेका,
 जलधारा तथा, बसालाना, सुगन्ध धना, अनेक वाद्य थाका
 स्वां, ताय्, सिन्हःहोला प्रशन्न शील विहारं निसैं यात्रा याना
 यःगु राज दरबारया दान शालाय् श्री दिपंकर आदि बुद्ध
 व चयद्वल भित्तु संघ पित बिज्याका । आषाढ पूर्णिमा तक
 पंचदान न्यायेका पिण्ड पात्रादि दान बिया भोजन याका
 ऋवना बिज्यात ।

थथे सर्वानन्द राजाया अद्दा भाव स्वया श्री दीपंकर
 आदि बुद्ध अत्तन्त प्रशन्न जुया थथे आज्ञा जुया बिज्यात
 हे सर्वानन्द महाराजा छंगु ध्व दानकिति कल्पान्त तकनं स्थीर
 जुया संस्कार भरे प्रचार ज्वीमा, थनिया दिनं निसैं छ बुद्ध

पुन जुल ध हा दानया महात्म्य भक्तसां "दानगाथा" आका
जुया विज्यागु जुल ।

पंचदान

न्यागु भकारया दानयातहे पंचदान धकाः धाःगु स्वः ।

पंचदान

(१) पूजा (२) भोजन (३) पान (४) वास (५) न्हिं न्हिं
न्याय खेले माःगु वस्तु -

(१) पूजा

(क) पूष्प (ख) धुप (ग) दीप (घ) गन्ध (ङ) रस

२ भोजन

वा, छो, जा, क्वाति, क्यगु, माय्, म्वा, सठि फकं
लैं, चपा, मधिता दकों ।

(३) पान

साख ति, सिसाफल, पञ्चामृत

(४) वास

हलः, अंब गुलः, बि, चिकं

(५) ण्हि ण्हि उपाय् खेले माःगु वस्तु

मुलु, सुका, लाखि, तुफि, तुयु काप, काषाय वस्त्र,
आसन, सलां, दतिव

बुध्दपिनिगु मूर्ति दयेका यात्रा याकेगु व
भोजन याकेगु विषय कथा

श्री शाक्य मुनि भगवान् बुध्दयात जुजुसिं महारानी
पिसं मन्त्रिपिसं, पौर गण पिसं, महाजन सिं, गृहस्थि
पिसं धनवानपिसं देव, नाग, यत्त असुर, गरुड, किन्नर
महोरग आदिपिसं भगवान् बुध्दयात पूजायाना माने याना
गुरु धका शनकारयाना च्वं च्वन,

देव, मनुष्य असुर, नाग, किन्नर, गरुड सकल
सियां पुण्य लाभ यायेगु काणे भगवान् बुध्दयात नयगु
त्वनेगु, काषाय वस्त्र, पात्र गुलुपा, लासाफांगा देनेगु, वासः आदि
दानयाना थथे माने याका सर्वसंघ पिं सकलें मुक्का राजगृह नगरे
वेणु वन धालसां पंथा वने फलनन्द निवासे बिज्याना च्वं च्वन ।

थुवले आपालं धन दयाः विशाल संपत्तिं पूर्ण जुया
च्वंम्ह कुवेरथेंहे जिक्के सम्पति दतला धैगु मने तयाः कुवेर
लिसेहे धर्मादि यायेला धैगु मती दुम्ह महाजन छंम्ह दै च्वन ।

अयसां ऋषि महाजन तीर्थकर धर्मयाम्हा जुया च्यंछन ।

थुवले महामौदगल्यायनं गुम्हा महाजन बुद्धया शासन
याम्हा मुखसां थयात बुद्धयागु ज्ञान गुण्या म्हा कना बुद्ध
यागु शासने मन प्रशन्न यात ।

थुवले उम्हा गृहपतिं थःगु मन चक्रंछा महामौद
गल्यायनयात थथे विनित्यात जि भगवान बुद्धयात
पूजा यायेगु इच्छा जुत छपिसं जित सहयोग याना विज्याये
मालि ।

उवले महामौदगल्यायनं ज्यू धका गृहपति महाजन
यात व्वनाः भगवान बुद्धयाथाये यंका तथागतया पाली भोपुया
थथे विनित्यात हे भगवान थुम्हा गृहपतिं छल्पोलयात भोजन
याकेगु इच्छायात, छल्पोलं अधिवासनायाना विज्याहुं ।
थथे विनित्याःगु नेना भगवान बुद्धं ज्यू धका तुप्पणी भाव
याना विज्यात ।

थुवले गृहपति महाजनं सद्धिगू प्रकारया रसं युक्तगु
भोजन जोरेयाना, स्वां सिन्ह, स्वांमाः आदि पूजाया वस्तुत
थिकयाना च्यंछन ।

थुवले महामौदगल्यायनं इन्द्रयात सता थथे आज्ञा
जुया विज्यात हे देवराज इन्द्र थुम्हा गृहपतिं बुद्धयात निमन्त्रणा
याःगुलिं छं ग्वहालि याना व्यु ।

थुलि महामौदगल्यायनं आज्ञा जूगु नेना इम्ह
वेनुबने नन्दबनथें याना दोल दोल ऐगवत किसि छोया हल गन्धर्व
किंनरपिसं मेहायेका वाद्य थाका सकतां थिक याना बिज ।

थुवले हानं बुध्दयात तकलिफ जुइ धका महाजनं
थः थाये जोरेयानागु फुक वेनुबने कलंक निवासे थेंक ल्याया
यंका भगवान बुध्द प्रमुख भिक्षु संघपित पूजायाना, दान
प्रधानयाना भोजन आदि याका हा ल्यहेदंगु सिगार्थें भग-
वानया पाली भोसुया थुकथं महाजनं प्रणिधानयात “अकुशले
च्वंपित कुशलेतयेफयेमा, धर्म मखना च्वंपित धर्म खं हा
त्रिये फयेमा, नायक मजूपिनि नायक जुये फयेमा जि बुध्द
जुया सकलसित तरेयाये फयेमा, मुक्त मजूपित मुक्त याये
फयेमा, साहेता मदुपित साहेता याये फयेमा. मोक्षबने
मफुपित मोक्ष छोये फयेमा । थथे प्रणिधान यागु खना भगवान
बुध्द मुसुक न्हिला बिज्यात । न्हिलेमात्रं बसपोल बुध्दया
म्हुतुं विवित्र रङ्ग विरङ्ग रस्मि प्यहाँ वयाः व रस्मि
(१) संजीव (२) काल सुत्र (३) संघात (४) रौरव
(५) महारौरव (६) तपन (७) प्रतापन (८) अर्वाचि
(९) अर्बुद (१०) निरर्बुद (११) अट्ट (१२) हहव
(१३) हुहुव (१४) उत्पल (१५) पद्म (१६) महा पद्म

थथे क्वागु च्यागू, ल्वांगु च्यागू, मिंखुगू नरकस
भगवान बुध्दया म्हुतुं प्यहाँ वःगु रस्मि खःवन । रस्मि

स्वयेयं नरके दुःख भाग याना च्चच्यंविनि दुःख शान्त
जुयाः त्रिण मात्रं सुख प्राप्त जुल ।

अनं यां वया व रस्मि मनुष्य लोके स्वल अनं १)
चतुरमहा राजिका २) अनं आय त्रिंसा ३) यामा ४) तुषिता ५)
निर्माण रति ६) पर निर्मित ७) सर्वाति ८) ब्रम्ह कायिका ९) ब्रम्ह
पुरोहित १०) महा ब्रम्हा ११) परितामान १२) प्रमान भान १३)
आभाश्वरा १४) परित्र सुभा १५) अन प्रमाण १६ शुभा
शुभ कृष्णा १७) अन भका १८ पुण्य प्रसव २० वृद्धफला २१ अन
वृहा २२) अनतपा २३) सुहसा २४) सुदर्शना २५) अकनिष्ठा
थथे सकभनं उगु रस्मि ल्याहौ वया वसपोलयागु शरिरेसं
प्रवेश जूवल ।

थुत्रले आनन्द आयुष्मानं भगवानयात थथे विन्तियात
“तथागतपिं हेतु मदयेकं न्हिला विज्याइ मखु छल्पोन छुहेतु”
न्हिला विज्यानागु ?

आनन्दं विंतियाना न्यसेंलि बुध्दं थथे आज्ञा जुया
विज्यात हे आनन्द छं धागु खँ खः । हेतु मदयकं तथागतपिं
न्हिलि मखु । जि न्हिलागुया हेतु कने छं न्यो । शुभाशुभ
कर्म यानागुया कर्मभोग शुभयाःसा शुभहे जुइ अशुभयाःसा
अशुभहे जुइ ।

नप्रणश्यन्तिकर्माणि कल्पकोति शेतेरपि ।

सामाग्री प्राप्य कालंच फलन्ति खलुदिहिनाम् ।

थ ह्ये सियां यानागु कर्म सद्धिगु कल्प कोविहे वंसा
नाश जुग्मखु समय काल वलकि अवश्य कर्मया फल भोग
यायेहे माः ।

हे आनन्द ! अतित काले पूर्ण धयाम्ह सम्यक्संबुद्ध
लोके तथागत जुया बिज्याःम्ह बुद्ध पिंड चरण चाःह्यु ह्यं
राजधानी पाखे थेंक बिज्यासेलि पूर्ण बुद्ध पिंड चरण चाहिला
देशे बिज्याःगु खँ थ्वहे देशयाम्ह क्षत्रीये जुजुं नेना
सकल मन्त्रि भारदार मुंका बुद्ध चाहिला बिज्याथाये जुजु
वना तथागतयात पालिभोपुया, बुद्ध व सकल सर्वसंबन्धित
निमन्त्रणायाना राज कुले बिज्याकाः स्वला तक काषाय वस्त्र
पिण्ड पात्र, नयेगु त्वनेगु पुनेगु वासः वस्तु पञ्चदान बिया,
भोजन आदि याका बिज्याःगु जुल ।

हानं वस्पोल पूर्ण तथागतयागु प्रतिमा (मूर्ति) दयेका
यात्रा याना दोलंदो प्राणिपित बुद्धयागु ज्ञान बिया दोलं
दोयात धर्म नित्तोत्पत्ति याकाः निरवृत्ति मार्गे छोट ।

हानं शाक्यमुनि बुद्धं थथे भाज्ञाजुया बिज्यात उगु
काले पूर्ण बुद्धयात पञ्चदान बिया स्वलातक भोजन याकूम्ह
वस्पोल बुद्धयागु प्रतिमा धालसां मूर्ति दयेका यात्रा याह

जिह्वे स्त्रः । उगु जन्मे अथेयाना वयागु पुण्यं थुगु जन्मे इन्द्रं
पूजायाका चवने दुगु स्त्रः । थथे भगवानं आनन्दयात भास्त्रादयेका
विश्यागु जुल ।

थुगु प्रमाणंहे म्नीसंनं पञ्चदान न्यायकल धालकि
दीपंकर आदि बुध्दपिनिगु प्रतिमा [मूर्ति] दयेका यात्रा बायेगु
चलनयाना च्वंगु स्त्रः ।

सहस्रो गत डागिं वयेगु

राज गृह नगरे सुम्भदुम्ह नाम जक महाजनम्ह
छम्ह गृहपति वयाच्चवन । व महाजनया थःगुहे कुले लोम्ह
मिसा छम्ह विवाहयाना सुखं च्वंचवन । वया स्त्री महाजन
नीया गर्भ दयाः च्याला गुला मिला धसॅलि कायेमचा
छम्ह जन्म जुल । व मचायात जात कर्मयाना कुले लोगु
नामकर्म यात ।

अनंलि महाजनं थःकलाःयात सःता थथे धाल-धन
फुकिम्ह, साहुं केकीम्ह काये जन्म जूये धुंकल आःजि
न्हापायार्थे महासागर रत्नाकरे व्यापार वने ।

कलाःम्हं— तस्सकंहे नुगःसंछिका हे नाथ थथे छता धया
बिज्याये मते धाल ।

थथे कलाःम्हं धाःगु खँ महाजनं मन्यो बन्धुवर्ग वनि
जालपिं सःता न्हापायार्थे रत्नाकर वनेधका भिगु दिन

मूहर्ते महाजन थःम्ह कलाः य कायेयात तोता रत्नाकर व्यापार
वैहे बन ।

अनंति छुं दिं लिपा रत्नाकर व्यापार वंम्ह गृह्णति
महाजन रात्नाकरेहे सिन धयागु ममाचार सिल माकथं
भातःयागु सति गतियात ।

लिपा लांजां दसेंति उम्ह महाजननीया माग सम्पति
कुत । अले थः कायेयात लहीन शान्तिवगे पिंके पुकरेयाना
थःगु लहाया सिपं ज्या याना कायेयात पालन पेयनवानाः
बचाधिकः यात ।

अनंति ब मचा छम्ह वेगुन वने चाह्य वंम्ह वलंक
निवास बिहारे लुग्याया च्वये पञ्चगण्ड चक्र च्वया त गु
खनाः अजूचाया छम्ह भिक्षुयाके न्यनी,

मचा हे आर्य थ्व छु च्वयान गु ?

भिक्षु— हे बाबु थ्व पञ्च गति चक्र स्वः । नरक
तिर्यक प्रेत, देव, मनुष्य

मचा — (भचा ग्याःपहलं) हे आर्य छु कर्म थथे
जुइगु स्वः ?

भिक्षु - हे बाबु दशां कुशल पापया कर्म याःपि थथे
भोग याये माला च्वन ।

मचा— हे भदन्त ! नरक, निर्यक, प्रेत, ऋष स्वथाय
जितः इक्षा मदु तर मनुष्य गती य देव
गती जन्म जुया द्यो धायेका चवनेगु जि साप
इक्षा अकें द्यो धायेका जन्म काःवनेत जि छु
यायेमा ।

भिक्षु— हे बाबु द्यो धायेका जन्म काये योसा धर्म
विनये कया प्रवर्जित जुया विनय पालन या ।

मचा— हे भदन्त गुथाये तक प्रवर्ज्या यायेमाः ?

भिक्षु— हे बाबु यावत जीव दत्तले ।

मचा— ध्वला जिं याये फै मखु । मेगु छुयाय ?

भिक्षु— अयसा उगोषदे च्वँ ।

मचा— ध्वनं याये फै मखु ।

भिक्षु— अयसा पञ्चशीले च्वँ ।

मचा— ध्वनं फैमखु मेगु उपाय कना बिज्यहुँ ।

भिक्षु— हे बाबु अथेजूसा बुद्ध प्रभितिं सकल सर्व
संघपित निमन्त्रणायाणा दान प्रदान भोजन
याकि पञ्चदान न्यायकि ।

मचा— थुकी दां गुलि माली थें ।

भिक्षु— बाबु न्यासः साइदां माली ।

अ खँ न्यना लय्ताया मचां ध्वला फु धका सरासर छेँ
वन मांयाथाय वयाः थथे धाल—यो मा जि द्यो धायका जन्म
काःवनेगु छं योला ?

माम्ह— छाय मयइ—यो

काये— अयसा जिन न्यासः साई दां ति ।

मांम्ह— छु यायन न्याम दां ? (भचानुगमश्रिका)

जि गन कया बी छन्त, जा नकेन पुंकेत हे ज्या-
यानाः नकेमाः धाःमा जि छन्त गन कया वि ? ।

काये— यो मा छं विमकुसा त्रि ज्यामि ब्या बना
कमाय् याये ।

मांम्ह— ज्या याये फइमसु ।

काये - यो मा जि बुध्द व सर्वमंवपित दान यायगु
इच्छा जुल अकयं जि ज्यामि ज्यावने ।

मांम्ह— (तादाकयक मसुका तथा) का वा .. छंगु
मनया इच्छा ख, छं फुमा हूँ ।

वं मांया अनुमति कया ज्यामित वैगु लैपुई बनाः
च्यच्चवंन । अन ब्राम्हणपिं गृहपतिपिं वयाः ज्यामितयेत
सःता येना वयात सुनानं बना मयंकु अथेहे छें ब्यहाँ बल !

छेँ वये साथं मांमं थथे न्यत—हे वाबु छु ज्यामि
ज्या याना वया ?

काये - यो मा जित सुनानं ज्यामि ज्या मधाः

मांम्ह— हे वाबु छंत सुनां ज्यामि ब्या बाइम्ह धका

बाई ? बाबु, छं गूगु वसतं पुनाः हाकुसे च्वंका सँ जना
जता चिंका च्वंसा धकाः — अने तिति छन्त व्यामि
जुइम्ह धकाः सःता यनी ।

काये — यो मा छं धागु खँ धार्थे खः अथेहे जि
याना वने ।

अनंलि कन्हे खुन्हु अथेहे हाकुगु गूगु वसतं पुनाः
व्यामिस वइगु लैय् च्वच्वंवन । उखुन्हु नं गृहपतिपिं वया
मेमेपित सःतायेन वयात सुनानं मसःतु । उके वं ज्यामि सःत
वम्ह छम्ह गृहपतियात थथे घाल हे साहु जिनं ज्यामि ज्या
याः वये ।

साहु — हे बाबु, छं छु ज्या बाइ ? छ कयातुम्ह तिति
छं ज्यामि ज्या याये फैं मखु ।

मचा — हे साहु जित न्हापां ज्यानिं ब्युरे ।

साहु — फुला ?

मचा साहु, थौं छन्हु ज्या याये, फुसा छित ज्या
संतोष याये, स्वयाः जक्र ज्या ब्यु । फुसा ज्यायाना
बिये मफुसा मज्यूसा ज्याला बीम्वाः ।

साहु — हे बाबु च वा ! वा !

व मचा वचा छेँ वचना येन । वचना येना छेँ ज्या
याये थाय् ज्यामि नायेयात धया मचा तोता
साहु मेथाये वन ।

अन न्दुगु छेँ दने थाय् य मचां ज्या सुरुयात तर
 अन धाःसा ज्या याइपिं सकलें ज्या मयासें सुह-सुह थका
 जुया च्यच्चन । थथे सकलें ज्या थकं नयाः ज्या खुया च्वं
 पित व मचां पञ्चगण्ड चक्रया खँ कना थथे धाल

—न्हापा न्हापा यागु पापं दरीद्र कृते जन्म कयाः
 थथे, थुकथं दुःख सियेमाल आः हानं ज्या खुया
 खुयाः सन धाःसा आःयासिकं चिक्किंगु कृते जन्म
 कयाः दुःख सिये माली धका धायवं थका तसे सकस्यां
 छगु पाःखंहे थथे धाल थ्व खँ धायंहे खः का हाले म्वाल
 धका काचा काचां ज्या याः जुल । उखुनुया दिने म्हिग म्हिग
 स्वयाः निदुगं ज्या सिधल । लिपा साहु वयाः स्वबले यक्वहे
 ज्या सिधया च्वंगु खनाः नायोयात थथे धाल छाय थौं
 ज्यामित यक्व दुलाकि छु ।

नायो— हे साहु मेपिं ज्यामि जिमिसं मतया ।

साहु— थौं गथेजुयाः निदुगुनाति सिधःगुले ?

नायो— म्हिग म्हिग ज्या थकं नयाः ज्यामयाना
 थौं अन धावुं ज्या थकं नये मत्सो धका पञ्चगण्ड
 चक्रया खँ कंगुलिं जिमिसं काचा काचा यानागु खः ।

थ्व खँ नेनाः गृहपति तःसकं खुसि जुयाः सकसितं
 ज्याला विया छोये धुक्काः मचायाव इमित स्वया निदुगं
 ज्याला बिल । मचां थ्व ज्याला निथि मयो धकाः छथि

साहुयात हे लित बियाः छथिजक कया छेँ ॥ ज्यामि ज्या वना मांयात बियातल । थुखुन्हुनिसं
 हबागु घेबा मुक्काति धका मांयात बियातल । थुखुन्हुनिसं
 न्हिं न्हिं ज्यामि ज्या वना मांयात बियाः धिवा मुक्का तल
 साहुया छेँ दने सिधल अले छेँ वया मुक्कागु धिवा फुकक प्वंका
 निना स्वःबले न्यासः दां मखात व मचा तच्चतं खोयाः हानं
 दां फुककं जोनाः साहुया चुके वनाः खोया च्वंवन । मचा
 खोया चोंगु जनाः साहुनं नेन - हे बावु छाय खोयागु ?

मचा—(ख स्वं हे) हे, साहु छयाय जि अर्भागह स्वः
 छाये धाःसा जिं ज्यामि ज्या यानाः न्यास साइ
 दां खाका बुद्ध प्रमुख सर्वसंघ भिक्षुपित पञ्चदान
 बियाः भोजन याके धकाः जिं ज्याया वयः तर
 छयाय् छपिनि छेँ दने सिधल जितः न्यासदां
 मखात आ दां हानं जिं गन वना ज्यामि जुयाः खाकेगु
 अकें जि खोयागु साहु ।

साहु— (लयता पहलं) हे बावु जिंछन्त पूर्ण याना बी

मचा— हे साहु ! बीगु निश्चय खला ?

साहु— हे बावु जिं बीगु निश्चय जुल ।

अनंलिं ष गृहपति नं मचानं निम्हं भगवान याथायं
 वनाः भगवानयात मचां अंयाना छखे अलग च्वना साहुया
 न्होने मचां बुद्धयाके थथे नेन-हे भगवान जिं न्यासः दां
 खाका बुद्ध प्रमुख संघपिं सफलसितं दान भोजन याकेत
 जि महाजनया थाय् छेँ ज्यामि ज्या यावना अयनं जिं
 न्यास दां खाके मफुन तर थुम्ह महाजनं पुरे याना बी

धाल, छःपि बिज्याये मा धकाः यथे मचां विन्ति या गु खँ
 नेना भगवान बुद्ध तुष्णी भाव जुया विन्यात अनंलि बुद्धया
 पालिसं भपुया वन्दनायाना साहुं छयेँ वना येका मच यात न्यास
 दां खाकाः विद्याहल । मचां छयेँ वनाः सांयात यथे धाल यो
 मा न्यास दां खाका हये धुन यो मा आः भक्ति भाव
 श्रीबुद्ध व सर्व संघपित भोजनयाका पञ्चदान न्यायके ।

थव खँ नेनाः मामं धाल - हे पुता कीपि भाग्य
 मदुपि जूगुलिं थलबल नं मदु, लासा नं मदु उके महाजन याथाये
 वनाः थव दां कयाः साहुनं हे पञ्चदानयाना बिज्याहुं धका धाहुँ !

यथे मामं धाः गु खँ नेनाः अथेहे याये धका साहुया
 थाय् वनाः छल्पोलं हे थवदां कयाः थुगु पञ्चदान न्यायेका
 बिज्याहुं धकाः साहुयात घेवा लःल्हाना बिल । साहुनं ज्यूका
 जिगु छयेँ हे न्यायकावी धकाः न्यासदानं साहुं हे
 फयाकाल ।

साहुनं चांचां हे मण्डप दानशाला आदि दक्खो वस्तु
 ओरेयाना बिल मचां भगवान बुद्ध प्रभित्ती सर्व संघपि
 सकलें निमन्त्रणायाना दान शालास बिज्याका बुद्ध प्रभिति

सर्वसंघपित दान प्रदान भोजन आवि चाका पठचदान
न्यायेल । अन स्ववया च्वंपिनि सकस्यां थथे खँ जुया च्वन
सुना बुध्द य सर्वसंघपित निमन्त्रणा याःगु ?

ध्व खँ मेना मेम्हेसियां धाल वहेका महाजनया काय
धाःम्हेसियांवा । अं ! वका च्योनंका, वं छुयाये फें
थथे ? खालि वयाछेँ वयाछेँ वना ज्यायाना च्वंम्हेसियां ।

— अथे मखु मीसंनं बांलाक जोरेयाना बियेमालीका
धका थथे थथहे थी थी खँ जुया च्वन ।

अनंलि साहुं जोरेयानातःगु पूजा, भोजन, पान, वाषः
वस्तु फुक्क व मचां थःगुहे ल्हाःति बुध्द व सर्वसंघ
पित दान प्रदान याःगु जुल ।

थुवले बुध्द भगवानं मचाया छेने ल्हाः दिकाः थथे
आशिरवाद बिया बिज्यात - हे षत्स ध्व पूण्य द्वारा
देवलोके' उत्पति जुयाः सुखं भोग याये दय्मा हानं
छं बुध्दयागु शासन थिर याये फय्मा, अनं छ प्रत्येक
बुध्द तक जुयेमा धकाः आज्ञा दयकाः धर्मोपदेश

बिया बिज्यानाः सर्वमंथपि मकले मूका पिहारेनु
ह्यहाँ बिज्याःगु जुल ।

अनंलि कनेखुन्दुहे यया अबुया पाने रत्नाकर वंपि
बन्नात लिथेकः वयाः रत्नाकर वनाः हयागु धन गाक्कं
व्यूवल ।

उगुहे समय राजगृह नगरे जुजुया लयकुली सीदा-
बीम्ह निसन्तानम्ह महाजन छम्ह सीगु जुया चवन अले
जुजुंवया सत्ताय मेम्ह महाजन तयेन ग्वं क्वःछिनाः देशे
दक्क महाजनपिं राजकूले सःना तल । अनंलि लायकुली
आपालं क्वंचाय् अने तनेगु रंगतं तया अने वया-
क्वंपिं साहुपिंत जुजुं अथे घाल थ्व तःगु मद्धि क्वंचाय्
रंगत दु, सुनां उके न्याको तक ल्हाः थुनाः छताहे
जक रंग लिक्काय फई वयात लायकूया महाजन
यायेगु धका साहुपिंत क्वंचाय ल्हा थुक्काः रङ्ग
लिक्कायके बिल । उके आपालं महाजनपिंस ल्हाः थुन तर
सुनांहे छता रंग न्याकः तक पिक्काये मफु । गुम्हेस्यं थ्वकः
तक तुयू पिक्काया मेगुली थुनीवले हाकुगु प्यहाँ वंगु गुम्हेस्यं
छगुली रङ्ग थुनाः मेगुली थुनीवले मेगुहे प्यहाँ वंगु गुम्हेस्यं
प्यकः तक वहे वहे रत्त पिक्काया मेगुली थुनीवले मेगुहे प्यहाँ
वइगु अथेहे जुया सुनांहे पिक्काय मफुसेंलि वहे सहसोगतं

न्यायः, तत्र न्यायः, तत्र कर्मव्यायः, तत्र धुनाः, तत्राहे जक रङ्ग
 पिकया बिल । अले वयातहे लागकूया श्रेष्ठ महाजनया
 न्यायः मचानं वयातहे कन्यादान बिल ।

हानं सदसोगतं न्हापायाथेहे बरोवर बुद्ध प्रमुख सर्व-
 संघपितं निमन्त्रणायाणां पञ्चदान न्यायकाः भगवान् बुद्धयः गु-
 धर्मोपदेश न्येनाः सुख पूर्वक जीवन हनाः च्य चवन ।

ध्वया प्रति भिक्षुपिनि संसय जुया च्वंचवन । ध्व-
 खं सर्वज्ञ जुया विज्याःम्ह बुद्धं श्री । सदसोगनयागु पूर्व
 जन्मयागु कर्म विपाकया खं थथे आज्ञा जुया विज्यात न्हापा-
 यागु जन्मे कर्मद्रक नारे महाजनया कूले जन्म जुया च्वंचवने
 प्रत्येक बुद्धयात ज्या मय से च्वंचयातनं नकेगुला
 नय माःसा ज्या यायेमाका धवा थथे छाःगु वचन
 न्हाना वःगुलिं न्यासःको जन्मतक थथे भृत्य पुरुष जुयाः
 कर्म विपाकया भोग यायेमाःगु ।

हानं मेगु जन्मे बुद्धपिनं भोजन पञ्चदान याणां
 वःगुलिं थुगु जन्मे महाधनवान्ह जुया जन्म काये दुगु खः ।

थथे पञ्चदान न्यायेकागु पुण्यद्वागं 'देवलोके,
 रत्नपति जूवने देगुलिंहे मीथाय् पञ्चदान न्यायेकलकि न्याय-
 कूम्ह कजि दाक धालसां दागिं धकाः येँयापूपुन्दि खुनु
 दे चाहुला चिजविज नं दानयाणां देश चाउलेगु चलन आतक
 दहेदनि ।

प्रतापा रोहन

श्री भगवान् बुद्धयान् जुजुपिसं, मन्त्रिपिसं, पौर गण
भेष्ठपिसं, महाजनपिसं, धनयानपिसं च देव, नाग, यक्ष
असुर, गरुड, किन्नर, महोरग दक्षव्या पूजायाना मानेयाना
गुरुधका सत्कारयाना च्वन । हानं देव, नाग, मनुष्य, किन्नर
महोरग, असुरपिसनं पुण्य लाभ यायेगु कारणे श्री भगवा-
नयात नयेगु, त्वनेगु, पुनेगु चिन्न, पात्र, लासा, फाङ्गा, बासः
आदि दान प्रदानयाना च्वंच्वन । थुवले भगवान् बुद्ध
कपिल वस्तु महानगरे न्यग्रोधारामस विज्याना च्वंच्वन ।
थुगु समये कपिल वस्तु महानगरे छथाय तःच्वनं धनधानम्ह
विशाल सम्पत्ति पूर्ण जुयाःकुवेर बाके स्वयाजिके घन आपाः
दुना धैगु मन भा पा कुवेर लिसेहे घमण्डयाना च्वण्ह छम्ह
शाक्य दया च्वन !

उम्ह शाक्यं थःगु कुले छोम्ह मिसा मायेका विवाह
यात । उम्ह कलाःया पाखें गर्भ दया काये मचा छम्ह
जन्म जुल ।

थ्व मचा अतिहे बांलाम्ह दिव्य वर्ण जुयाः सकल
लक्षणनं पूर्णम्ह स्व स्व किकि स्वये मगाःम्ह हानं ण्व कुमार
जन्म जुयेव देवतापिं आपालं वयाः देशे सकमनं पताकार
व्ययेकः बल । अनेगु दिव्य वद्यातनं थाना न्येकल हानं उफो
स्वां तुयूगु, म्हासुगु, ह्यावेंगु जात जातया पलेस्वां मांदार पुष्प

आदि सकभनं होलाहल कपिल वस्तु नगरे थथे सकभनं प्रताप
 ध्वयेक बल । थबहे उम्ह शाक्यं जात जूम्ह कायेयात मचा
 बू न्यंका मचायात 'विदित यशा' धयागु नां छुन ।
 अनंति च्याम्ह धाई मां पिं तथा मचायात लहिना नचनि
 द्यो साखः नका पालन पोषनयाना लहिनाः तल । कथंथे
 बमचा पुखूया पलेस्वां बधेजुयावः थें बांलक त,धिकः
 जुबाः ल्यायम्ह जुल ।

थुम्ह विदित यशा कुमार तच्चतं श्रद्धावान मङ्गलम्ह,
 कल्याणम्ह, थःगथे सकलें अथेहे धका भाषीम्ह परोपकारी
 करुणावान, महात्मा, धर्मकार्य सकल सितं हित चित दया
 च्वंच्वम्ह जुल ।

सुं समये थुम्ह विदित यशा छन्दु न्यप्रोधारामे
 बंभले भगवान बुद्ध दर्शन प्राप्त जुल अले बस्पोल बुद्धं
 बिया बिज्याःगु बर्मोपदेश नेना अनित्य संसार धका सीका
 ज्ञानं पूर्ण जुया थुम्ह विदित यशा कुमार साक्षात श्रोतापत्ति
 फल प्राप्तयाना छेँ वयाः, मांअबुयाके अनुमति कयाः,
 सकल सितं दानप्रदानयाना भगवान बुद्धया अग्नेषना प्रबज्या
 सम्बर कया प्रवर्जित जुया, क्लेशा वर्णं मुक्तजुया थुम्ह
 विदित यशा साक्षात अईत्व प्राप्तयाया त्रयत्रिसया देवराज
 इन्द्र प्रभृति सकलभ्यां पूजायाकाः माने याकाः च्वंच्वन ।

थुबले भिक्षुपिनि संसय जुषा भगवान् बुध्दयाके
 धथे विन्तियाना नेन "हे भगवान् शुम्ह विदित यशानं
 पूवजन्मे छु कर्मयाना वःगु फलं शुगुजन्मे याकनंहे अहत्त्व
 प्राप्त यागु जुल ।

भिक्षुपिसं संसय जुषा थथे विन्तियागु नेना सकल
 सियां ताये दयेक तथागतं थथे आज्ञा दयेका विज्यात ।

परापूर्व काले विपश्ची बुध्द तथागत वंधुमति नगरे
 विज्याना च्वँ च्वँ निर्माण जुषा विज्यात । अनंलि वस्पोलया
 शरिरयात अग्नि संस्कार यानाः वस्पोल यागु अग्नि धातु
 फुकं गर्भेतया तःगोगु रत्न चैत्य दयेका स्थापनायाना व्युगु
 जुल । थुबले मरुत जुजु छम्हेस्यां थुगु चैत्ये प्रताप छायेगु
 इच्छायाना पता थाकाः दोलं दोल अध्दालु भक्त जनपि
 मुक्का अनेक बाद्य थाका प्रताप यात्रायाना यंका चैत्ययात
 अनेक प्रकारयागु विधि अनुसार पूजायाना थुगु चैत्ये प्रताप
 छाया थुकथं प्रतापारोहनयाना प्राणिधानयात थ्व प्रतापारोहन
 यानागु पुण्यद्वारा जिन संघ जुषा राग, द्वेष, मोह मदुम्ह
 जुषा लोकया लागिं हितकर जुषाःचवने दयेमा । प्राणिधान
 याना चैत्ये प्रताप छाया वःम्ह थ्वहे विदित यशा भिक्षु स्वः
 धका श्री भगवान् बुध्दं आज्ञा दयेका विज्यागु जुल ।

थथे बुध्दं आज्ञा जुषा विज्याना तःगु दुगुलिं मीसंनं
 हरेक चैत्ये पताःछा धालसां. "प्रतापारोहन" याना वया
 च्वंगु स्वः ।

कवचाल

तृतीय

खण्ड

दान गाथा

असा छायेगु

भूमौ दुकूल सुकुमार विचित्र पट्टे
सन्तारये सुगत संघ परिक्रमाय ।
येनाप्यते विपुल भोग्य महा निधान
तेना वनी पतिरभूत्समवेपु तस्य ॥१॥

लि छायेक्रे

नकिञ्चि दुष्णोदक पाद्यमेवच
सुशीतलं स्वच्छ सुगन्धिकं तथा ।
करोति पादौ सुगतस्य ब्रध्दया
ततः कुबेरत्वं मुपैत्यसौ नरः ॥२॥

ईलान् पयसा वियेगु

वितान मुच्चैर्विन नाति संघे
त्रिलोक देवासुर सिध्द बन्ध ।
यो दिप्त देहः सुविशाल वंशः
सधर्म देशे हृदिज प्रजेता ॥३॥

आसन

पद्मं विष्टर समास्तृत तूलिका सु
सीमन्तिनी धन पयोधर पीडिताङ्गः ।
संशरते क्षिति भुजो निशियाः प्ररत्त
दिव्यासनं शमित दोष गणोत्तमाय ॥३॥

स्निग्ध

श्री खण्ड कुंकुम सुशोभित चन्दनानि
कुवन्ति ते सतिलका निच बुध्द संघे ।
ये प्राप्नुवन्ति जगतां निलको पमत्वं
सौन्दर्य रूप मृदु दिव्य विशाल वंशः ॥५॥

स्त्रां

गोवरिजं विविध पुष्प सुगन्धियुक्तं
श्रद्धान्विताः सुमनसा प्रतिपादयन्ति ।
ये सोगताचर्य सुगवोत्तम साङ्गिकेभ्य
स्ते प्राप्नु वन्ति सुरराज महेन्द्र सद्ममी ॥६॥

धूप

सांयोगिकं सहज सौरभ धूप वासं
मक्त्या ददाति सुगवाय ससाङ्गिकाय ।
ये प्राप्नुवन्ति विपुलां धनधान्य भागान्
सम्बुध्द मग्नय वदं खलुते लभन्ते ॥७॥

काप

तं लाज्य भक्तं च यथापनी न
ये साङ्गिकेभ्यः प्रतिपादयन्ति ।
सन्दर्शनीया नयनाभिरामा
भवन्ति ते दिव्य सुखाप भोग्या ॥८॥

सल्लाम्न

यः शुभा कठिनी स्वच्छा मृजुयेन प्रयच्छति ।
विशाल बुद्धि पाण्डित्यं जायते भुवि जन्मनि ॥९॥

सुलुसुक्का

धीरो विनीतो गुणवान वीर्य सम्पन्न बुद्धि मान ।
सूत्र सूची प्रदानेन नाभि जानाति दुर्गतिम् ॥१०॥

खिक्कं भोँचा

प्रशन्न र्णाव मृदु पाणि पादाः
महा बलाः शत्रुभिर प्रधृष्णा ।
तैल प्रदानेन भवन्ति मर्त्या
सुरुष रूपा सुख माप्नु वन्ति ॥११॥

तुप्फि

सन्मार्जनीये प्रददन्ति
त्रिरत्न देवालय शुद्ध हेबोः ।
ते शुद्ध शीला विमला भिरामा
विकल्मषा सद्गुण भावयुक्ता ॥१२॥

छात्री

ये भक्ति पूर्वे रुदकार्थं हेतोः

मौर्जीय पाशं प्रददन्ति सङ्गे ।

कमात्सु वंशे परिवार युक्ताः

स्ते दिव्य लोछे ह्यमृतं लभन्ते ॥१३॥

गुलुपाः त्रियेगु

सौवर्णं रौप्यं विविधं धातुजं नृणमयवा

शाख्योदनैः सुपरि पूर्णं सुपिण्ड पात्रवम् ।

भक्त्या ददन्ति सततं जिनसाङ्घिकेभ्यः

स्यात्तस्य पुण्यं मसमं फलमप्रमेयम् ॥१४॥

श्री वल्लता

ब्रीहिञ्च धान्यं भुधिसं प्रजातं

अद्भान्वितं यः प्रददाति सङ्घे ।

इष्टं फलं तस्य भवेत्स नित्यं

सर्वार्थं कामं सुमुपैत्यसौ नरः ॥१५॥

वस्त्र

यज्ञोपवीतं सुकुमारवासं

सम्पादयन्तीह गणोत्तमेभ्यः ॥

भूरीष्टं कोषं समवाप्य भूय

स्ते प्राप्नुवन्तीन्द्रपदं विशालम् ॥१६॥

श्रीर

महिष्य गोरसवरं कनिका न्वितं ये

वैकृत्य तण्डुल मिनाद्रक लावणंते ।

तस्मै ददाति सततं जिन साद्विकाय

संप्राप्नु वन्त्युचित भोग्य मराज लक्ष्मीः ॥१७॥

फलमूल

धात्री हरीतकीरम्भा चूतश्च परसादिकम् ।

स्कन्द मूला दिकंदान यथोप्सित फलं लभेत् ॥१८॥

लंख

शुशीतलं स्वच्छ सुगन्धि तोयं

स्वादिन्वितं ये मुनि वारि पात्रम्

ददाति सङ्घार्थ्य गणोत्तमेभ्य

स्तृष्णां नवेत्यार्थ्य पदं लभन्ते ॥१९॥

गुलः वासः आदि

न व्याधि रोगं नच वृद्ध भाव

आरोग्यता नित्य मनत भोग्यम् ।

भवेत्सुधीरः सुविशल वसो

भैवज्य दानत्लभते मनुष्य ॥२०॥

दक्षणां

यथानुलभ्य दुष्य दक्षिणां यः प्रयच्छति ।

धर्मार्थ काम मोक्षश्च प्राप्नोति भक्तिमानसं ॥२१॥

ज्ञान प्रशंसा

दानं विभुषणं लोके दानं दुर्गति निवारणम्
दानं स्वर्गस्य सोपानं लोके दानं दुर्गति निवारणम् ।
दानं स्वर्गस्य सोपानं दानं शान्ति करं शुभम् ॥२२॥

दानं शीतं तथा ज्ञान प्रशंसा

दानेन भोगा नपरो प्रतापा
च्छीलेन स्वर्गं नगरि प्ररोहात् ।

सत्येन शौच्यं न जल प्रवेशा

ज्ञानेन मोक्षं न शरीर शोषात् ॥२३॥

अदत्त दान फल

अदत्त दानेन दरिद्र भावं
दारिद्र्य भावेन करोति पापम् ।

पापं च कृत्वा नरके प्रयान्ति

नरकादि मुक्तं पुनरेव पापम् ॥२४॥

ज्ञान, शील, ज्ञान तथा भाव प्रशंसा

दरिद्र नाशनं दानं शीलं दुर्गति नाशनम् ।

अज्ञान नाशनं प्रज्ञा भावना भव नाशनम् ॥२५॥

यत्न पञ्चदश

शुक्ल पक्षे नभाष्टम्यां मुषाय मुदयो स्वेः ।

पिण्ड पात्रा दिक् दानं स्नानं चापि प्रकल्पयेत् ॥२६॥

चतुसु गादि पर्व

कृत श्रावण पूर्वाण्डे कृष्ण पक्षे त्रयोदशी ।

माघे पूर्णैषि मध्याह्ने त्रेतानाम युगोक्त्यः ॥२७॥

वैशाख शुक्ल सन्ध्यायां द्वापरश्च तृतीयकः ।
 कार्तिक शुक्ल नक्षत्र्यां चर्द्ध रात्रौ कलियुगः ॥२८॥
 एते युगोदये दानं दधाद्वै द्विषदोत्तमे ।
 सर्वेषां पुण्य संख्यामिह तेषां सकृदा न विद्यते ॥२९॥

उत्तम प्रयंसा

पुण्य नराणां तमसि प्रदीपं
 भयेषु रक्षा वसनेषु बन्धुम् ।
 रोजासु भैषज्य मनुत्तरञ्च
 प्रवृद्ध संसार महा समुद्रे ॥३०॥
 त्रिपञ्चर निवृत्ति प्रशंसा
 यथागत स्तथा यातो दीपकहरो मुनीश्वरः ।
 अथ खलु राजा भगवन्तमे तदवाचत् ॥३१॥

प्रार्थना

अद्यमे सफलं जन्म सफल जीवितञ्चमे ।
 अद्य बुद्ध कुले जातो बुद्ध पुत्राग्नि सांप्रतम ॥३२॥

आशीर्वाद्य

परा भवन्तु सदा सुखी आयु रारोग्य सम्पदम् ॥३३॥

क्वचाल

श्री वट्टी वज्राचार्यजुयागु चवसां मिहावःगु सफूया धलः

१. क्रिया पद्धति २. मचावू न्यंकयगु (नामाकर्म)
३. अन्न प्राशन (चुडाकर्ण, व्रतबन्धन, व्रत मोक्ष)
४. दशपिण्ड विधि ५. पाणि ग्रहणया विधि
६. तुंक्यःया महांकालयः ७. धर्मश्री मित्रयागु बाखं
८. गोपालेश्वरया मञ्जु गर्तया बाखं ९. श्रृङ्ग भेरी
१०. इति व मैत्रि कन्यक ११. वज्रयोगिनी स्तोत्रया विशुद्धि
१२. प्राणी सेवा १३. दुर्गति परिशोधन मण्डनया विवरण
१४. बुद्ध, धर्म, संघ मण्डल पूजा १५. पञ्चदानया विवरण
१६. बान्हा न्यंकयगु ।